

ROMANOS

Pabloou Romapienag hēsap p'ã deepʼitarr

Chi p'ãtarr. Mag carta jöoi Pabloouta p'ãjim. Hajap Biblia estudiejem k'ʼʼn hiek Corinto p'öbör hee simuata p'ãjim haajem, Romapienag deepäaig (1:7,15). Ham hiek hīchab hʼʼi hāb Febe haajerr gaau k'āijā deepʼijim haajem (16:1-2). Mag deepäaiwai chi Pablo hagt'a Roma maba sějim. Maagwai Roma p'öbör hee hʼk'a nʼm k'ʼʼn narr haawai mak'ʼʼnagta deepʼijim haajem, ham hoon mam k'öchaaga haajerr haawai (1:10-11).

Roma p'öbör hee chi hʼk'a narr k'ʼʼn chan judionaan happai k'aba judionaan k'abam k'ʼʼnpata t'ʼnaajim haajem. Warrcharan chi hiek'an judionaanauta harrjim haajem; mamʼ magtarra judionaan k'abam k'ʼʼnauta hʼk'a p'öbaadēwi jūr hewag pawī hamachta chi nacha hʼk'a narr k'ʼʼn k'āijā k'apanaacha hap'öbaadējim hanaabá.

K'an jawaag hajī. Pabloou Romapienag mag carta deepʼitarran hamagjā hīchab Hēwandamau maach peerdʼ haaujem hiekta hajap'a k'ap hamk'īr jaaupäaig hajim (1:3-4,16-17).

Pablo hiek maachin “t'umaam k'ʼʼnta maach pekau gaaimua maachdēupai Hēwandamag maach hisegpi nʼmjö hi warpta wēnʼrʼʼm” haajem. “Mag hi warpta wēnʼrʼʼb mamʼ, Hēwandam t'umaam k'ʼʼn dʼi hajap'a k'itaawai, mag maachdēu nem hajap'a wau nʼm paarjā k'aba, hich garmuata mag maach hich dʼi hiekk'ör pöm

narrjã higba, Jesucristo gaaimua maach pekau chugpaawi hiekk'õr chuk'u s̄i hich d̄i dau parii hapiejem" hanΛm k'ap hamk'ĩirta Pabloou mΛg libro p'ãjim (3:23-24).

Pabloou h̄ichab dawaa k'ap'Λ hapi sim, mΛg maach peerdΛajem hiek t'umaam k'ΛΛn hat'eemk'a sim (9:1–11:36). “Har t'um maach Pörögta hamach dau haug k'augpi j̄eue nΛm k'ΛΛnan h̄u peerdΛtk'aju” ha s̄ewai (10:13), judío k'aba hawiajã judiojõ peerdΛju.

Salud

¹ Romapien, maach hãba Cristo hiek h̄k'a nΛm gaaimua k'odk'a t'ΛnΛm k'ΛΛn, ¿jãgpai nΛ keena?

MΛΛn Pabloou, Jesucristo chog. Muata pãrag mΛg h̄esap p'ã deep̄i chirΛm. Hich Jesucristoouta mΛ jΛr haujim, jãga H̄ewandamau maach peerdΛ haaujẽ ha jaaujem k'amk'ĩir.

² Mag hich H̄ewandamau jãga maach peerdΛ hauju ha sim hiek'an j̄oingarwe hich hiek jaaumienag p'ãpitarr hiekpaiu.

³ Wajapcharan mag hiek'an H̄ewandamau hich Chaai higwiata mag p'ãpijim, maach Pör Jesucristo higwia. Maach mΛig heegarm k'ΛΛn d̄i hãba s̄eicheegpain, rey David k'ararr chaain hewagam k'ΛΛn heeta s̄i parhoobam k'ΛΛnjõ t'aabach̄ejim. ⁴ MamΛ mag hamau hi t'õotarrta deeu h̄iu p'iidΛtarr gaaimua, maimua H̄ewandam Hak'ar hi d̄i s̄ijeewai hag jua t'eegau h̄õr hajaug paajem gaaimua, hichta H̄ewandam Hiwaa chi jua t'ierrk'a s̄ierrΛmjã h̄õrag k'ap hapiejem.

⁵ Mag Jesucristoouta h̄u mΛ jΛr hauwia hi hiek jaaujemk'a chitΛm, mag hi hiek jaau chitΛm

gaaimua meupierram k'ΛΛnau hirigta hΛdΛraa hamach peerdΛpinaa hi hipierraa hamk'īir. ⁶ Mag meupierram k'ΛΛn ha chirΛm haig, muan pāarpata jaau chirΛm, pāarjā hich Jesucristoouta hich dēnk'a hautarr haawai. ⁷ Mag pāar Romapienjā Hēwandamau jāsene haajem k'ΛΛn haawai pāragta mΛg hēsap p'ā deepāi chirΛm, pāarjā hi hōor haawai. Muan maach Haai Hēwandamagjā jēeunaa maach Pōr Jesucristoogjā pāar kōit jēeu chiraaajem, pāar hūu heeg hoonaa pāar k'ōinaa p'ē wai wēnΛrramk'īir.

Pabloou Romapien hoon mam k'ōchk'ajjerr

⁸ Keena, deelum nem jaauju nawe pārag jaauk'im: Muan Jesucristo gaaimua hich mag Hēwandamagta hūu hajim ha chiraaajem, pāachdēu hĭk'atarr hiekta hagt'a hogdΛba durrum higwia deelum durram magwe pāar hēugar hōrau wajap'a hig hiyΛΛ haajem paar. ⁹ Muan hāba Hēwandam Hiwaaau maach peerdΛ haaujem hiek warag hōrag k'ap'Λ hapijuuta hēk'a chiraaajem. Magua, hich Hēwandamaujā k'ap'Λ sim, mua hichig jēeupierr chadcha pāar kōit jēeujem. ¹⁰ Mag nΛm dĭi hīchab nawe pāar hoom k'ōchag chiraajewwai hirig jēeu chiraaajem, pāar hoon mΛch pĭimk'īir, majā hichdēu mag k'ōsi chirΛm k'ai mamΛ. ¹¹ Mag pāar dĭi k'īircha hoom k'ōchag chirΛmΛn, pāachdēu hĭk'atarr hiek gaaita warag hubΛ paauk'amamk'īrau. Pari magamk'īran, mΛchdēu pārag Hēwandam hiek jaau chitΛm gaaimua hich Hēwandam Hak'aragta pāar dĭi hichdēu k'ōsimjō hapim k'ōsi chirΛm. ¹² MamΛ wajapcharan mag pāachpaita mua jaau chitΛm gaaimua hubΛ k'aba,

hagdaujō maach t'umaam k'ΛΛnta k'īir honee hapim k'ōsi chirΛm, maach t'umaam k'ΛΛnau hābam hiekpaita hāk'a naawai.

¹³ Cristo gaaimua k'odamnaam, mua pārag k'ap'Λ hapim k'ōsi chirΛmΛn, biek k'apan mΛchdēu pāar hoon majujú haajemΛu; pari magΛmjā hagt'a pōd maba chirΛm. MamΛ hāuta pāar haar bark'iin, deeum durr maawai haajemjō, muan pāar heejā hōor k'apanaam k'ΛΛnagta warag Hēwandam hiek hāk'apim k'ōsi chirΛm.

¹⁴ MamΛ hagt'a mag k'apanaam k'ΛΛnau hāk'aba haawai dēbpaarta paraa chirΛmjō Cristo dāi mΛ chigaa chiraaajem, t'umaam k'ΛΛnag hich hiek jaaumk'īir mΛ jar hautarrta hāaur k'ΛΛnagpai jaau chiraawai. Mua jaauju haai chirΛm chi t'et'emnaanag, bΛΛrjā serbiiba k'it'ēem k'ΛΛnag, k'īirjug k'augk'am k'ΛΛnag, k'īirjug meraa k'it'ēem k'ΛΛnag, t'umaam k'ΛΛnagta jaauju haai chirΛm.

¹⁵ Maguata chadcha pāar jam Roma p'ōbör hee naajem k'ΛΛnagjā maach peerdΛajem hiek jaaum k'ōchag chirΛm.

Jāga haajē maach peerdΛajem hiek hāk'aawai

¹⁶ Mag Hēwandamau maach peerdΛ haaujem hiek hūrwia hāk'a nΛm gaaimuata t'um chi mag hāk'a nΛm k'ΛΛnan hichdēu peerdΛ haaujeewai mΛ chan hi hiek jawaag bΛΛrjā chigaa haa k'augba chitΛm. Hiin chadcha nacharan judionaan heepaita jaaueejim. Magtarrta hīs hewag pawia durr chaur judionaan k'abam k'ΛΛnagpa jaaujem, hamjā hājō peerdΛtk'amk'īir. ¹⁷ Mag maach peerdΛajem hiek hāk'aawaipaita Hēwandamau maach chi hāk'a nΛm k'ΛΛn pekau chuk'u

hapäaijem, warrjä hich magta pekau chuk'u narrjö. Hichdëu magju higwia nawe hich hiek p'äpitarr gaai jaauwai:

“Har chi m_Λ hiek h_Λk'a n_Λm gaaimua b_ΛΛrjä pekau chuk'u haajerrjö n_Λm k'_ΛΛnta mua hich mag m_Λch dënk'a hauju” ha sim. *(Hab. 2:4)*

Jãga n_Λ hõor Hëwandam higgam k'_ΛΛn

¹⁸ Pari har t'um Hëwandam högk'aba hi dau na maach hinaam nem waunaa dich k'apeen d_Λijã nem hagcha k'aba haajem k'_ΛΛn gayan, ya Hëwandam k'ir machag burrim_ΛΛ sim, mag nem k'aigbam waum k'õchgau hi hi chaarta hürjööpaijã k'aba naawai. ¹⁹ Pari Hëwandamau mag ham gaai k'ir machag meeuju ha sim_Λn, hichdëucha hõrag hich jua hoopi sim gaaimua hi k'ap'_Λ haju haai n_Λmta juau hogt'om mag k'augbamjö naawai. ²⁰ Chadcha Hëwandam chan hãbmuajã hooba haajem, pari hamau wajak'a k'irjuk'iin, nem t'um t'_Λn_Λm hirua wautarr hoowiapai, “Hãa, jãgan chadcha Hëwandam sim” haju haai n_Λm. Hichdëu m_Λg durr hompaatarr haigmua hewag pawiajã merag chuk'u sim, hichta chadcha Hëwandam haawai warrgarwejä hichpaita hich mag jua t'eeg s_Λerr_Λm. Pari mag hi jua hoo n_Λmta, juau hogt'om hi higjööpaijã k'aba haajem. Magua pöd hamau, “Hëwandam sim k'augba naawaita mag h_Λk'aba haajem” haju k'aba n_Λm, ²¹ chadcha Hëwandam sim k'ap'_Λ n_Λmta mag h_Λk'aba naawai. Mag hi sim k'ap'_Λ n_Λmta, hi k'irag heejã haba, ni hamach nem hig n_Λm deejem paarjä hirig h_Λu hajim haba s_Λerrjëem. Magju k'ãai warag hamachdëu nem parhoobam wau

nΛm gaaimua, k'ĩirjugpata hãr t'ΛnΛmua s̃i maadëu nem higmap'amta k'ĩirju s̃isidΛm; wajaɸcharan Hëwandam hiek hat'eem s̃i hedaramjõta s̃isidΛm. ²² Hamachdëupain hamau nem t'um k'ap'Λ nΛm haajem; pari mag k'ap'Λm hanΛmta, k'ĩirjug chuk'umjõ warag parhoobata nem wau nΛm. ²³ Mag naawaita maach hompaatarr Hëwandam hich mag t'õojã k'augba s̃ierrΛmagta jëeubanaa warag nem parhoobam nem hamachdëupai wau nΛmagta jëeujem. S̃i maach dajëk'u k'it'ëem k'ĩirk'a waunaa, nem hichpan k'ĩirk'a waunaa, nemchaain bã jayapamjõm waunaa, wa s̃i jëbjã gaai jãau jëedΛ s̃ierrjëemjõo k'ãijã waunaa magΛmagta jëeujem, magΛmta hamach hëwandam hawia.

²⁴ Pari hamach mag t'ΛnΛm gaaimua Hëwandamau warag hamag hoobamjõ hap'liwia hamach t'ãar hee nem k'aigba wauju k'ĩirju s̃isidΛmta warag hΛdΛraa hamag waupi sim. Mag, hamach wir haigpai chik'am hõor dãijã s̃i parhooba t'ΛnΛm gaaimua, maach chi bigaaum k'ΛΛnta chigaa haajem. ²⁵ Mag nΛm dãi hamau hamach garmua maach Hëwandam chaarta hisegnaa jürr nem parhoobamΛgta hee t'ΛnΛm. Hich chi nem t'um hompaatarragta jëeuju haai nΛmta, hirigta jëeuba, s̃i hirua nem waumarragta jëeu nΛm. ²⁶ Hamach mag nΛm gaaimuata Hëwandamau warag hamag hoobamjõ s̃i nem maach hinaamjõ s̃isidΛmta warag hΛdΛraa hamag waupi sim. Magp'õbaadeewai chará chi hΛΛinaujã s̃i hamach hΛΛin hap'ata hamachdëu ham haig hemk'ooiin dãimjõ t'ΛnΛm. ²⁷ Maagwai chi hemk'ooinjã hich hagjõ warag hΛΛinjã higba,

hamach hemk'ooiin hap'ata hΛΛin dāimjō ham k'ōchk'a t'ΛnΛmua maach chi bigaaum k'ΛΛnpata chigaa hapiejem, mag hamachdēu waum haig maach hinaamjō nem wau nΛmua. MamΛ ham jāg nΛm paar chan Hēwandamau ham gaai jua t'ūu deebam.

²⁸ Hamau hamach garmuata Hēwandam higba naawai hich Hēwandamaujā hamag hoobamjō hap'āiwia sīi parhoobam k'īirjug maadēu higmap'amta warag hΛdΛraa hamag k'īirjupi sim, magbaawai parhoobam nem wauju k'abamta hamach k'ōchagpierr waumk'īir.

²⁹ Maguata sīi wir haig dich k'apeen dāijā nem hagcha haba, parhoobata t'ΛnΛm: dich hōor k'abam dāi k'apese, nem k'aigbamjā t'umta waum k'ōsi, chik'am nemjā dich dēn hapim k'ōsi, nem k'aibag, chik'amnau nem wai nΛm hoowia hājō paarpam k'ōsi, juaujā chik'am t'ōo, chik'am dāi k'ujΛΛrnem, sēunem, chik'am k'aibag waaunem, ³⁰ chik'am jaaunem, chik'am k'īirchajā hiek'aanem, Hēwandamjā k'ōchk'aba, chik'am serbiibag p'eenem, hamachdēupai hamach t'ō hiek'aanemnaa sīi nem hatcharag, chik'am k'aibag wauju k'īirjuanem, chaainjā dēnnaanau hiek'aawai hamachig k'abamjō hipierrajā k'aba, ³¹ Hēwandam hiek hat'eejā jāg k'īichag, hamach hiek'atarrjā chadcha hājō haba, dich k'apeenjā k'a k'ōchk'aba, k'īir haubaadēmjā k'īir t'ūa chΛuunaa dich k'apeenjā dau haug k'augbata t'ΛnΛm. ³² Mag t'ΛnΛmΛn, hamach mag nΛm paar jerrba Hēwandamau k'īmie durr hamach bark'ΛΛiju k'ap'Λ nΛmta mag t'ΛnΛm. Pari magΛmta warag hamach jua pΛaba, parhooba nem waunaa

bigaaum k'ΛΛnau hamach dēnjö waauwaijã magta k'ösi t'ΛΛm.

2

Hēwandamau k'aigbam k'ΛΛn dāi hichdēu hampierierr haju

¹ Pari hābmua k'āijã, hí chan magba chirΛm haju. MamΛ pua chadcha mag k'īirju chirΛm k'ai, hōor wajak' am hawiajã, mΛ hiek hūrbá pΛrΛg jaauk'im: Pua chik'amnaan jaauwai pΛchpaita dāi wir haig jaau sīebahab, hamau nem wau nΛmta pΛchdēujã dāi waaujeewai. Magua pua pöd, “MΛ chan Hēwandam dau na k'aibag chuk'u chirΛm” haju k'aba sim. ² Pari maadēu k'ap'Λ nΛm, Hēwandamau hōor dāi hamachdēu nem waaujempierr haajem. Magua maadēu k'ap'Λ nΛm, magΛm nem k'aigbam waaujem k'ΛΛnan hirua hamach k'īircha jaaunaa hich jua machag hāwatab k'aba hāwatpiju. ³ Pari pΛ, chik'am higwia jāan mag sierrΛm haajemta, pΛchdēujã hamau nem waaujem k'īir hich hagjō wauba haajeab. Mag simta, ¿pua k'īirjuawai pΛchta Hēwandam jua heemua peerdΛju ha chirΛ? PΛ chan peerdΛbam. ⁴ Chadcha Hēwandamau warre pΛ gaai mas deeba haajem. Pari mag pΛch chig haba haajeewaijã, puan pΛch wajak'a sīewaita mag pΛch chig haba haajempii sim. Pari pua k'augba sim, mag hirua hūu pΛ dichba haajemΛn, pΛch k'aibag hisegwia hich jΛrmk'īirta mag pΛ chigjã haba sīi warag hoobamjōo haajem. ⁵ Pari Hēwandamau mag pΛ hig simta, pΛch jΛg t'eeg gaaimua pΛch garmuata hi higjã higba, sīi warag hichdēu hōor hi hagk'am hed hamachdēu nem k'aigba waaujerrpierr hamach k'īircha jaaunaa ham gaai jua

k'Λaba deeju hedta pΛch gaai mas hamk'īir hich k'īir machag sīi hāwat p'iepi simjō sim.

⁶ Mag hedta dich nem waaujerrpierr hagdaujō hichdēu k'ap maach dāi haju. ⁷ Har hāgt'ar hōbērwia bΛarjā meeba hich mag wajaap'a wēnΛrraju k'īirju nΛm dāi Hēwandamagta hamach t'ō hiyΛΛ hapim k'ōchgau warag nem wajaap'am happai waju hēk'aajem k'ΛΛnan, hirua hich dēnk'a hauju, hich mag hich dāi wēnΛrramk'īir. ⁸ Pari har hi higar k'abanaa warag nem k'aigbamta waum k'ōchk'aajem k'ΛΛn dāin, k'īir machag t'ΛnΛmua warre ham gaai jua k'Λabata hirua deeju. ⁹ Magbaadeewai judionaan mag nem k'aigba waaujem k'ΛΛnta wajaap dau haug waup'ōbaadēm dāi hōk'īirjug pōoma hajurau. Pari wajaapcharan hamach happaijā k'aba, judionaan k'abam k'ΛΛnjā nem k'aigbam waaujem k'ΛΛnan, t'umta hīchab hich hagjō haju. ¹⁰ MamΛ magju k'āai judionaan har nem wajaap'am waaujem k'ΛΛnan hāgt'arjā hich dāi wajaap'ata wēnΛrrapiju. Mag nΛm dāi hīchab hichdēuta ham t'ō hiek'anaa k'ōinaa hich dāi p'ē wai nΛrraju. Pari hirua magjujā judionaan dāipai k'aba, t'um judionaan k'abam k'ΛΛn hawiajā nem wajaap'a waaujerr k'ΛΛn dāin hich hagjō haju. ¹¹ Hirua mag hāaur k'ΛΛnpaita daupiinaa hiwiir hābam k'ΛΛn k'a hisēe k'aba haajeewai judionaan hawiajā chi k'aigba nΛm k'ΛΛnan, judionaan k'abam k'ΛΛn dāi k'aibag hāba t'ΛnΛm, Hēwandamau hoowai.

¹² Judionaan k'abam k'ΛΛnau chadcha judionaan dēnjō Moiseeu ley p'ā pΛatarr chuk'u nΛm. Mag chuk'u naawai mag ley gayam hiek k'augba pekau waaujerr k'ΛΛnag Hēwandamau

mag hiek higbaju. Pari hichiita hamjã hok'oob k'aba hok'ooju, hamach pekau gaaimua. Mam Δ mag Moiseeu ley p'ã p Δ arr wai naawai hag gayam hiek k'ap' Δ n Δ mta pekau waaujerr k' Δ Δ nagan chadau, hag gaai jaau simjõ hipierraa k'aba harr gaaimuata Hẽwandamau hamag hag hiek hẽud Δ wi warre ham dau hap' Δ Δ hajujã jaaju. ¹³ Wajapcharan mag ley gayam hiek k'aug chirawiajã hag hipierraa k'abam chan Hẽwandam na wajaug chuk'u sim. Magarrau hũrwia hag hipierraa sim Δ n chadau hich Hẽwandamaujã wajap'a sim ha sim. ¹⁴ Pari jãg judionaan k'abam k' Δ Δ nau Moisés ley chuk'u n Δ mta, sõi hamach k'ĩirjug heemuapai hag gaai jaau simjõ nem waauwai, merag chuk'u sim hamachdẽujã k'ap' Δ n Δ m, k'ani waju haai n Δ wa waubaju haai n Δ . Mag n Δ m haig maata hamachigan ham leiu. ¹⁵ Maguata mag nem wajap'a waauwai, mag leita hamach k'ĩirjug hee wai n Δ mjõ haajem. Mag naawai, k'ar nem wajap'a waauwai wa k'aigba waauwaijã, maguata hamag jajaauk'amjõ haajem, hãu sõi wa k'aigba sõi. Mag hamach k'ĩirjug heepai jãga wẽn Δ rraju haai n Δ ha k'ap' Δ naawaita, maach hi hagk'am hedjã Hẽwandamau Moisés ley higba, hamachdẽu k'ap' Δ haajerraupaita hõor dẽnjõ warag ham k'aibag waumjõ haju wa ham kõit hiek'amjõ haju. ¹⁶ Maigta mua m Δ g maach peerd Δ ajem hiek jaauwai jaaujemjõ, chadcha Hẽwandamau hich Hiewaa Jesucristoogta hõrau meraa nem waunaa hamach hõdegpai k'aigba k'ĩirjuajerrjã dawaa hamag jaaupiju.

Jãga n Δ judionaan Moisés ley wai n Δ m k' Δ Δ n

17 Mua jürr judionaanag magk'im, m_Λ hiek hürbat: Päär hiek mag pãarta judionaan haawai Moiseeu ley p'ã p_Λarr h_Λark'a n_Λmuata pãach peerd_Λju hanaabma. Magnaa, pãar meeunta hich Hëwandam hõor haawai, hichiita peerd_Λju hawi pãachdëupai pãach t'öojem. 18 Pãachdëuta hirua nem waupim k'õsimjã k'ap'_Λnaa mag ley gaai jaau simjõ k'anta wauju haai n_Λ wa wauju k'aba n_Λ ha k'ap'_Λ n_Λm haajem. 19 Päär hiek mag pãachdëupaita mag ley k'augbam gaaimua dau k'ĩsumjõ n_Λm k'_ΛΛnjã jaau harrnaa sïi k'ĩchag heemjõ wë_narr_Λm k'_ΛΛn b_Λjã w_ΛΛp_Λijju haai n_Λm haajem. 20 Wajapcharan pãachdëuta k'augbam k'_ΛΛnag jaau k'augnaa k'ĩrjug meraapaim k'_ΛΛnagjã jaau k'aug n_Λm haajem, mag ley gaai chadam hiek p'ã wai naawai pãachdëuta nem t'um k'ap'_Λ n_Λm hawi. 21 Ma chadcha magju haaima. Pari pãachdëu chik'amnag mag jaau n_Λmta, k'an jãgwi pãachdëu jaaujemjõ haba haajerramma. Pãachdëun hõrag nem jĩgk'apiba jaaujemta, jãgwi pãachdëun chadcha jĩgk'aajerramma. 22 Pãachdëun pãach k'apeenag chik'am h_ΛΛinjã waupiba jaaujemta, jãgwi pãachdëujã chik'am h_ΛΛin waaujerramma. Pãrau k'õchk'aba haajem, hõrau hamach juau nem waunaa maata hamach hëwandam hawi hag_Λg jëeu n_Λm hoowai. Hamau mag n_Λm haig chadcha k'aigba sim; pari pãachdëu mag n_Λmta, jãgwi pãrau hamau hamach hëwandamag jëeujem deg nem wajap'am wai sïsid_Λmjã jĩgk'aajë. ¿Mag n_Λmjã pekau k'abá? 23 Pãachdëupain pãachdëuta mag ley gaai chadam hiek p'ã wai n_Λm hawi, haata wounjõ t'öojerram. Pari mag hiek'a n_Λmta, hag gaai jaau simjõ k'aba, Hëwandam hichaur nem wau n_Λm

gaaimua jürr bigaaum k'ΛΛnag Hēwandam hēugarta k'aigba hiek'apiejem. ²⁴ Pāachdēu jāgju k'apta hich Hēwandamaucha pāar jōoin higwia hich hiek p'āpitarr gaai, “Pāach gaaimuata har chi mΛ hiek hāk'aba nΛm k'ΛΛnaun warag mΛ hēugarta k'aigba hiek'aajem” ha jaaubajieb.

²⁵ Wajapcharan mΛgta sim: Chadcha har Moiseeu ley p'ā pΛarr hiek wajap'a hΛΛrk'a simΛgan mehēu p'ΛΛrbich nΛmjā hΛu sim. Pari mag p'ΛΛrbich wai simjā mag ley hΛΛrk'aba sim chan, parta mag p'ΛΛrbich nΛmua Hēwandam hōork'a nΛm hag dauchach hich gaai wai sim. ²⁶ Pari magba mag mehēu p'ΛΛrbichba ni judiojā k'aba simuata mag ley gaai jaau sim wajap'a hΛΛrk'a simΛn, magan mehēu p'ΛΛrbichba sīewiajā, maata Hēwandamagan p'ΛΛrbich simjō sim, hich dau na wajap'a sīewai. ²⁷ Magua, Hēwandamau maach hi hagk'am hedjā chi mag ley gaai jaau sim hipierraa simuata, pāar dēnjō mag chi dauchach hich mor gaai chuk'u hawiajā, hich garmua pāar jaauwímΛcha jaauju, pārau pāachta Hēwandam hōor hawia hirua jaautarr dauchachjā pāach mor gaai wai nΛmta mag hi ley p'ā wai nΛm gaai jaau sim hipierraaājā k'aba narr haawai. ²⁸ Pārau k'augba nΛh, judiok'a nΛm chan sīi maach dēnnaan judionaan haawai hōor dak'īir dich jōoin hi pΛaba wēnΛrrΛm k'aba, ni sīi Hēwandam dēnk'a nΛm k'ΛΛn dauchach wai chirΛm hanΛmjā k'abam. ²⁹ Judío chaar habarmΛn, sīi dich morta dauchachpiju k'āai, Hēwandam dau na t'āar wajap'a nΛmΛu. Mag nΛm haiguin chadau sīi judionaan hi hΛΛrk'a nΛmua k'aba, hich Hēwandam Hak'arauta mag maach t'āar wajaug hapi sim. Magta t'āar wa-

jap'a nΛmΛn chadau, dichjöpaim k'ΛΛnau k'aba, hich Hēwandamauta chadcha maach hΛu wēnΛrrΛm haju.

3

¹ Pari mag nΛmta hābmua k'āijā, “K'an gaaimua magan maar judionaanta judionaan k'abam k'ΛΛn k'āijā Hēwandam dau na hΛucha nΛmma” wa “K'an wajaug sī, mag p'ΛΛrbich nΛmua dich mor gaai dauchach nΛm” hak'iin, ² jaauju pōoma t'ΛnΛm. Pari chadcha maachta deum k'ΛΛn k'āijā hΛucha nΛmΛn, maach meeunagta hich Jōoiraujā t'umaam k'ΛΛn hat'ee hich hiek p'ā deetarr gaaimuau. ³ Pari magtarrta, ¿jāg hāaur k'ΛΛnau hΛk'amap'amjō nΛmjāma? ¿Pārau k'īirjuawai ham mag nΛm gaaimua hich Jōoirau haju haajerrjā chadcha magba sīi hich mag k'īir hok'ooju k'ai? ⁴ Magju habá. T'umaam k'ΛΛn nem sēunem hawiajā hich Hēwandam chan sēu chuk'u sīerraawai hichin hiin nem hagchata jaaujem. Maach k'aibag jawaagjā hich mag sīerrΛm higwi jōoi David k'ararrau Hēwandam hiek gaai magjim: “Pua hōor k'aibag jaauwaijā hamau, ‘Puan nem hagchata jaaubarm’ haju.

Chad k'abam nem hōrau pΛch gaai t'Λawaijā pΛchdēuta ganab k'aba ganju” ha p'ājim, “pΛchta hagpierraa chitaawai.” (*Sal. 51:4*)

⁵ Pari mag maach k'aigba nΛm gaaimuata warag Hēwandam maachjō k'aba hagpierraa sīerrΛmjā maadēu k'ap'Λ nΛm k'ai, magan ¿jāgáwa? Sīi parhoobam k'ΛΛnau k'īirjuajemjō k'īirjuk'iin, magan Hēwandamau pōd hōor hamach pekau gaaimua dau hap'ΛΛ hapiju k'aba sim haju haai nΛm, mag

pekau gaaimuata hich hagpierraa chitΛmjã wa-jap'a k'augpiejeewai. ⁶ Pari ma chad k'abam. Mag hak'iin magan Hẽwandaman hagchajã k'aba parhoobata nem wau sierrΛm hak'am. Hẽwandam hichpa magta sierrΛm hak'iin, jãga hichdẽu maach hi hagk'am hedjã pãar k'aigba naajim wa hũu wẽnΛrrajim k'ãijã haju maachig.

⁷ Wa magba hãbmua k'ãijã pΛaba, "Pari mag mΛch k'aibag chirΛm gaaimua jũrr mua hõrag Hẽwandamau hõor dãi hagpierraa nem waaujem higwia hi wajaugta p'ẽpi chirΛmjõ chirΛmta, jãga magΛm gaaimua Hẽwandamau mΛ dau hap'ΛΛ hapibarju" haju. ⁸ Pari mag hamau jaau nΛmjõ mag k'aigba nΛm gaaimua hi wajaugta p'ẽpimjõ nΛm k'ai, jãgwi warag nem k'aigbamta wauju k'aba nΛ, magΛm gaaimua jũrr hich mag hi wajaugta p'ẽmk'ĩir. Chi mag nΛm k'ΛΛnaun hamachdẽu mag k'ĩirju nΛm gaaimuata hõrag jaauwajã, muan magta jaau chitΛm haajem, magΛm gaaimua mΛ hẽugar sẽuk'a nem hĩgk'am k'õchgau. Pari chi mag nΛm k'ΛΛnan, Hẽwandam dãi k'ujΛr nΛmjõ nΛm gaaimua, hi jua machag hãwatab k'aba hãwatju.

Maachin t'um pekaupanau

⁹ Magan ¿maachin jãgata nΛmma? ¿Maach chi judionaanta judionaan k'abam k'ΛΛn k'ãaijã Hẽwandam na wajapcha nΛ? Magjã k'abam. Maachin, chaig mΛchdẽu jaau chirarrjõ, judionaan k'abam k'ΛΛn dãi hãba judionaan hawiajã t'um pekaupanau, Hẽwandam hiek p'ã sim gaai jaau simjõ. ¹⁰ Mag hi hiek p'ã sim gaai jaauwai,

“Hēwandam dau na wajak'am k'ΛΛn chan hābjā chuk'um” ha sim.

11 “Hēwandamau wajak'a wēnΛrrapi simjō chan hābmuajā hi dēnjō k'īrjuba sim; hābmuajā hi higmaj'amjōta sim.

12 T'umaam k'ΛΛnauta hi haar baarjem k'Λd hisegnaa k'Λd k'aibag garta wēt t'ΛnΛm.

T'umaam k'ΛΛnta warag hār t'ΛnΛsim; hi dau na wajak'am k'ΛΛn chan hābjā chuk'um” ha sim. *(Sal. 14:1-3; 53:1-3)*

13 “JāgΛm k'ΛΛnan sīi chik'am hēugar k'aigba hiek'aagpaita sīsidΛm.

Sēuk'a nem jaaunem sīsidΛm” ha sim. *(Sal. 5:9)*

“Par hiek'aupai chik'am t'ōjem hak'iin, jāgΛm k'ΛΛnaun nemk'ierr dēnjō hōor dajēk haju” ha sim. *(Sal. 140:3)*

14 “Ham hiin, sīi chik'am t'ōp hiek'aagpaita sīsidΛm gaaimua hihasimjōta sīsidΛm” ha sim. *(Sal. 10:13)*

15 “Sīi bΛΛr habarm gaaimua chik'am t'ōjuuta k'īrju sīsidΛm;

16 hamach wēnΛrrΛmpierr sīi hōor dau hap'ΛΛ hapijuuta hēk'aajerram.

17 Hamach mag nΛm gaaimua bΛΛrjā k'ōinaa wēnΛrraju k'augba nΛm” ha sim. *(Is. 59:7-8)*

18 “Hēwandam hōk'ō haju k'īrjug chan bΛΛrjā k'īir hee paba haajerram” ha sim. *(Sal. 36:1)*

Magta p'ā sim hich Hēwandam hiek gaai.

19 ChamΛg Hēwandam ley gayam mua jaaubarm chan hoob pārau sīi hāba judionaan k'abam k'ΛΛn hat'eepaita mag jaau chirΛm hamiet. Maadēu k'ap'Λ nΛm, mΛg hiek'an maach judionaan hat'eepata mag p'āpījim, maagwai Hēwandamau

mΛg durr hi hagk'am hedjā t'umaam k'ΛΛn hamach k'aigba narr k'ap, Hēwandamau hamach k'aibag wauju jaaubarm hūurwaijā sīi k'īu hi hiek hūrmk'īir. ²⁰ Chi lein sīi maach pekau pōm k'it'ēem k'ap hapiegpaita hich Hēwandamau p'āpitarr haawai mag hΛΛrk'a narr gaaimuapai chan pōd Hēwandamau maachig, "Pāar pekau chuk'u naawai mΛ dāijā hiekk'ōr chuk'u nΛm" habaju.

Jāga Hēwandamau maach kulp chuk'u hapāaijē

²¹⁻²² Pari hīs jūrr Hēwandamau maachig k'ap hapi sim, jāga mag hi dāi hiekk'ōr pōm nΛmjō narrta pekau chuk'u harr k'ΛΛnjō nΛisí. Chadcha warrgarwejā hichdēu ley p'āpitarr gaai jaaunaa sīi hich hi jaaumienagjā hichdēu magju hich mag jaaupiejeejim. Pari magjūjā mag ley hΛΛrk'a nΛm gaaimua k'abam hajim. Hīs mag pekau chuk'u harrjō nΛmΛn, Jesucristo hiek t'āraucha hāk'a nΛm gaaimuata, judío wa judío k'aba hawiajā, Hēwandamau t'um mag pekau chuk'u narrjō p'ē wai sim. Mag Cristo k'urau k'aba hak'iin chan ni hābjā peerdΛbam; ²³ t'umaam k'ΛΛnta hamach pekau gaaimua hamachdēupai Hēwandamag hamach hisegpi nΛmjō hi warpta wēnΛrrΛm, hichdēu waupim k'ōsim waujōjōopaijā k'aba. ²⁴ Mag Hēwandam warpta wēnΛrrΛmjō naab mamΛ, hí t'umaam k'ΛΛn dāi wajak'a k'itaawai mag dichdēu nem hajak'a wau nΛm paarjā k'aba, hich garmuata mag maach hi dāi hiekk'ōr pōm narrjā higba, Jesucristo gaaimua maach pekau chugpaawia hiekk'ōr chuk'u sīi hich dāi dau parii hapiejem. ²⁵ Warrgarwe hichdēu hōor peerdΛ haaujeewai chadcha hōor pekau wau

nΛmjā hoobamjōta ham haaujeejim, hich Hiewaa p̄li nΛm hora. Pari hīs ya Hēwandamau mag Jesucristota hōor kōit t'ōmk'īir p̄libarmua maachig k'ap'Λ hapi sim, chadcha warrgarm k'ΛΛnjā hauju haai sīejim. Pari mag hauju hayaa hapiegan Cristo meewia hich bag hārbarmua hichta hōor pekau chugpaajem k'apijim, hich Hēwandamau. ²⁶ Mag, warrgar haajerrjō hīs jā chi Jesús hiek hāk'a nΛm k'ΛΛn chan ya tag kulp chuk'u nΛm haju haai sim Hēwandamau, chadcha ham k'aibag paarjā Jesuu hΛdΛraa hich t'ōopitarr haawai.

²⁷ Mag k'ai magan Moiseeu ley p'ā pΛarr hΛΛrk'a nΛmuata kulp chuk'u nΛm hawia pōd dich t'ōju k'aba nΛm. Hēwandamau mag maach kulp chuk'u hap̄li simΛn, mag ley hΛΛrk'a nΛmua k'aba, hāba Jesús hiek t'āraucha hāk'a nΛm gaaimuata mag maach kulp chuk'u hap̄li sim. ²⁸ Wajapcharan maan mΛgta sim: Hēwandamaun Jesús hiek t'āraucha hāk'a nΛm k'ΛΛnta ya tag kulp chuk'u nΛm ha jaaujem. Hirua mag sīi ley gaai jaau sim hiekta hōrag hΛΛrk'api jauba sim, hich d̄ai hamach pekau gaaimua kulp chuk'u nΛm ha jawaag. ²⁹ ¿Wa pārau k'īirjuawai Hēwandam sīi maach judionaan dēnpaí, warrgarwejā maach jōoinagta hich hiek p'ā derr haawai? ¿Hí hīchab durрпиerram k'ΛΛn Hēwandam k'abá? ¿Mag hiek maach jōoinag p'ā deetarrjā t'umaam k'ΛΛn hat'ee k'abajī? Chadcha hichpaita durрпиerram k'ΛΛn Hēwandamma. ³⁰ Tag Hēwandam chuk'u hāba hich happaita sīerram. Hichdēupaita chadcha Jesucristo hiek hāk'aa chaar hāk'a nΛm k'ΛΛnan, judío wa judío k'aba hawiajā, magΛmjā higba t'um hāba ya bΛΛrjā kulp chuk'u narrjō hap̄aijem. ³¹ Magan jāgāwa. Mag maadēu

h k'aa chaar h k'a n siewai,  mag ley maach hat'ee tag baleeba haad p s eb? Baleeba s sim hab . Mag baleeba hapiju k' ai, mag h k'aa chaar h k'a n muata warag h rcha hi baleepi n m k'ab wa, warrgarwej  hich magta H wandamau h k'api jaaujerr haawai.

4

*J ga Abr n H wandam dau na pekau chuk'u har-
rj  s sij *

¹ P ad  k' irjubat, j ga warrgar maach j oin Abr n k'ararrj  pekau chuk'u harrj  s sij  H wandam dau na. ²⁻³ H wandamau hoowai j oi Abr n hich dau na nem wajak'a waaujerr gaaimuata kulp chuk'u hap imuan, Abranau wir haig hich t'  hiek'aju haai s ek'am. Pari H wandam hiek p'  sim gaai jaauwai, b  rj  chaain chuk'u n m hee, H wandamau hichig chaain k'apan hapiju jaautarr hiek h k'abaawaita H wandamau hi k'aibag hisegp iwi hi tag kulp chuk'u hap ijim ha sim, s i mag h k'atarr paarpai. Magua p d hirua H wandam dau na hich t'  hiek'aju k'aba s ejim, mag hiek'aag nem wautarrj  chuk'u harr haawai. ⁴ Maad u k'ap'  n m, h or p'idk'apiwi p'ag n m chan s i par dee n m k'abam. Mag p'agbarm n hich p'idk'atarr paarta p'ag n m u, hichiita hirig p'agab k'aba p'agju haai naawai. ⁵ Pari H wandamau hich hiek h k'aa chaar h k'a n m k'  n pekau chugpaa n m chan mag k'abam. Hamau hamach higamk' ir nem wajak'a wauba haajerr hawiaj , pari hamau h ba Cristoouta chadcha hamach peerd  hauju haai sim hawi hamach t' raucha h k'am n chadau, mag h k'a

nΛm gaaimuata hag najã pekau chuk'u harrjõ hapλiju. ⁶ Mag, ham nem wajaρ'a waujerr paarjã k'aba, s̄i ham pekau Hẽwandamau chuk'u harrjõ habapλim k'ΛΛn honee nΛm higwiata jõi David k'ararraujã jaaujim. ⁷ Mag hirua p'ãtarr hiek gaai mag sim:

“Har Hẽwandamau ham k'aibag chugpaawi hamau pekau waujerrjã higba habarm k'ΛΛnta chadcha honee nΛm.

⁸ Har maach Põr Hẽwandamau hamach mag k'aigba narrjã wajaρ'a waupλinaa tag magΛm hiekjã higba habarm k'ΛΛnta honee haju”
ha p'ã sim. *(Sal. 32:1-2)*

⁹ Mag simta, ¿pãrau k'irjuawai, mag honee haju hanΛmjã s̄i judionaan mehẽu p'ΛΛrbich nΛm k'ΛΛn hat'eepai k'ai? Wa hĩchab judionaan k'abam k'ΛΛn hat'eepata jaau s̄iwa. Chaig mΛchdẽu jaau chirarrjõ, mag Hẽwandamau jõi Abranjã hich mag pekau chuk'u haajerrjõ wajaug paapλijim hanΛmΛn, hichdẽu t'ãraucha hλk'atarr gaaimua hajim. ¹⁰ Pari wajaρ'a k'irjubat. ¿Jãagwaichata mag hi wajaug paapλijĩ? ¿Mehẽu p'ΛΛrbichtarr k'ur, wa hag nawe? Hag nawe k'abajeb. ¹¹ Mag p'ΛΛrbich nΛmta chi dauchach hajim, t'ãraucha hλk'abaawai hich Hẽwandamau wajaug paapλinaa pekau chuk'u haajerrjõ hapλi nΛm dẽn. Magtarr haawai hich jõi Abranta judionaan dẽnjõ mag mehẽu p'ΛΛrbichba naawiajã pari t'ãraucha hλk'a nΛm k'ΛΛn põrk'a s̄isijim. Magta hĩchab hewag pawiajã hλk'aa chaar hλk'a nΛm k'ΛΛnan hich mag jaar haajerrjõ h̄sjã Hẽwandamau wajaug paapãaijem. ¹² Mag p'ΛΛrbichbarmua hĩchab hichta mag p'ΛΛrbich nΛm k'ΛΛn põrk'a s̄isijim,

majã pari hichdëu hãk'atarrjõ hãk'a nãm k'ããn dën mamã. Pari mag p'ããrbich wai naawiajã, hichiita Abranau hich dën p'ããrbichju nawe hãk'atarrjõ, hamaujã t'ãrauchata hãk'aju haai nãm.

Hëwandamau hichdëu magju hatarrjõ hajuun hich hiek hãk'a nãm k'ããn dëita magju

¹³ Hëwandamau Abranag jaauwai, hi chaain hewagam k'ããnagta hirig deejü harr durr jãapiju hajim. Pari hirig mag jaautarr chan mag sïi Moiseeu ley werpãarr hããrk'aajerr gaaimuajã k'aba, hich Hëwandamau hichig magtarr chadcha hãk'atarr haawaita mag deejü jaaujim. Mag hich hiek hãk'abaawai bããrjã pekau chuk'u har-rjõ Hëwandamau hi wajaug paapãijim. ¹⁴ Mag sïi ley hããrk'a nãm k'ããnta hirua mag wajaug paapãaijem hak'iin, magan parta Hëwandam hiek t'ãraucha hãk'aajeeek'am. Mag hichdëu ley deetarr hããrk'aawaita mag maach wajaug paajem hak'iin, magan maach dëi magju ha jaautarrjã pöd magbak'am, hãbmuajã pöd hag gaai jaau simjõ t'um hããrk'a hauba haajeewai. Magua, ley hããrk'a nãm gaaimuapai chan hõor peerdãbam. ¹⁵ Lein warag Hëwandamau hõor gaai jua k'ãaba deejü k'ap hapiiegta sim, ley paraam haigjã hichiita hõrau pöd hag gaai jaau simjõ haba haajeewai. ¹⁶ Magua mag Abranag jaautarrjõ maach dëijã wãjap'a hajuun, hi hiek chadcha hãk'a nãm gaaimuapaita magju. Mag gaaimuapai haawai maach peerdã haauwaijã hõrau k'ap'ã haju, dichdëu nem wau nãm paar k'aba, hãu hich garmuata maach peerdã hau sim. Mag sïi hãk'a nãm gaaimuapai haawai, hewag pawiajã maach mag hãk'a

nΛmua Abrán chaaink'a nΛm k'ΛΛnauta haub k'aba hauju, Hēwandamau deejū jaautarr. ¹⁷ Hirig mag hiek'atarr jaauwi hich Hēwandam hiek p'ã sim gaai, “PΛ mua chadcha hōor durrpierram k'ΛΛn haaik'apiju” ha sim. Mag hiek'atarr Hēwandamauta hōor mee sīsid harrjã p'iriutk'anaa nem chuk'u harr heejã hompaa haaujem hiekta hãk'ajim Abranau.

¹⁸ Hēwandamau hichig magtarr haawai, ya jöoiraa pamta chaaijã chuk'u narr hãba, Abranau chadcha hich chaa paarpaju k'ap'Λ sīsijim, hichta mag hōor pōm durrpierr t'ΛnΛisiju k'ΛΛn haaik'aju higwi, Hēwandamau hichig, “PΛ chaaïn k'apaana chitaju” ha jaautarrjō. ¹⁹ Hirua k'ap'Λ sīejim, hichjã jöoiranaa hi hūan Sarajã hūanaa k'itarr haawai hamach pōm wēnΛrrabaju. Pari mag jöoiraa sīerr hawiajã hirua k'ap'Λ sīejim, Hēwandamau hichig jaautarr haawai hich chaa chuk'u meebaju. Magua mag peer cien años sīerr hãba, Abranau hãba hag hiekta jãg t'ōba wai sīsijim. ²⁰ Hirua mag “Mua hãk'abamjã” haba, sīi Hēwandamau hichig chaa deejū hatarr chadcha paarpajuuta warag k'īirjunaa, “Puan pΛchdēu nem magju hatarrjã chadchata wau sīerrΛm” haajeejim Hēwandamag, hi t'ō hiek'amamua. ²¹ Hirua k'ap'Λ sīejim, chadcha Hēwandam jua t'eeg sim, hichdēu nem magju hatarr wawaag. ²² Hichdēu mag k'ap'Λ hãk'a sīerr gaaimuata, Hēwandamau hich hiek p'ãtarr gaai jaau simjō pekau chuk'u harrjō hi wajaug paapãijim haajem.

²³ Mag Abranau hãk'aa chaar hãk'atarr gaaimua Hēwandamau hi kulp chuk'u paatarr jaau nΛm chan hi happaijã k'aba, ²⁴ hewag pawia maachjã

hagjö kulp chuk'u paap̄ijju k'ΛΛn higwīapata mag p'āpijim Hēwandamau hich hiek gaai. Wajapcharan mag maach Pör Jesús p'iriu hautarr hag Hēwandam gaai t'āraucha h̄k'aawaita hīchab hich Hēwandamau maach pekau chugpaawi kulp chuk'u narrjō maachjā haajem. ²⁵ Mag maach Pör Jesuuta Hēwandamau maach pekau paar hōrag hΔΔraa t'ōopijim, mag t'ōotarrta deeu p'iriu hat'amua maach pekau chugpaap̄aig.

5

Jāga nΛ hīs pekau chuk'u harrjō wajaug paap̄iwi

¹ MΛchdēu jaau chirarrjō, maachdēu t'āraucha Jesucristo hiek h̄k'a nΛm gaaimua Hēwandamau maach pekau chuk'u narrjō wajaug paap̄ijim. Magua ya hīsin maach hi d̄li k'ōinaa nΛm maach Pör Jesucristo gaaimua. ² Hi gaaimuata hīchab Hēwandamaujā maach d̄li wajap'a haajem, hi hiek t'āraucha h̄k'aawai. Mag nΛm gaaimua hīchab honee nΛm, hich mag wajaug s̄errΛm d̄lita wēnΛrraju k'īirju naawai. ³ Pari mag mΛg hatag hi d̄li wēnΛrraju k'īirjuwīapai k'aba, mΛig heegarwe maach dau haug waauwajjā hich mag honee naajem, magΛm gaaimua warag maach t'āar p'īiupiejem k'ap'Λ naawai. ⁴ Maagwai mag t'āar p'īi naawai mag dau haug wau nΛmjā hāwatju k'ap'Λ hāwat nΛmta Hēwandamau hoowajjā h̄lu sim. Mag gaaimuajjā honee naajem. Mag Hēwandamau maach h̄lu hoo sim k'ap'Λ naawaita warag mag hi k'īircha hoo wai wēnΛrram k'ōchag t'ΛnΛmjā hogd̄ba haajem. ⁵ Mag hi k'īircha hooju k'īirju

nΛMΛN, hich Hak'ar maachig deetarrauĵā chadcha hichdēu maach daupii wai sim k'ap'Λ hapi sīewai hichiita hi hoob k'aba hooju k'ap'Λ nΛMΛU.

⁶ Dich juapadamaupai chan pöd dich pekau heemua hōbēraagĵā jua t'eeg chuk'u narrta, mag hi hoob k'aba hooju k'ap hamk'īirta Cristo bēewia maach t'umaam k'ΛΛN kōit meečĵim, magbarmua maach chi k'aigbam k'ΛΛN peerdΛ hawaag. ⁷ Pārau k'ap'Λ nΛM, chadcha t'et'e sim, sīi hābmua hΛdΛraa chik'am kōit hich t'ōopiju. Hich k'īrau chan, Hēwandam hiek gaai jaau simjō nem hajap'am happai waaujem kōit hawiaĵā, hābmuajā hΛdΛraa hich t'ōopibaju. Tale sīi woun wajaug sim paran hābmua k'āijā hich t'ōopiju; pari mag hawiaĵā mag nΛM hanΛM chan wajappai hūrba haajem. ⁸ Pari Hēwandamau magbajim maach dāi. Maach pekau pōm nΛM hāba, Cristo pāijim maach kōit t'ōmk'īir. Mag pāibarmuata hīrua hich garmua chadcha maach k'ōsi sim k'ap hapijim. ⁹ Mag, maach k'aigba narrĵā higba Cristo maach kōit meetarr gaaimua ya hi dāi kulp chuk'u naawaita, hi gaaimuata hīchab Hēwandamau maach hi hagk'am hed maach gaai hich k'īir machag meeuju harrĵā hΛu maach jua k'Λapāiju, ya bΛΛrĵā pekau chuk'u harrjō naawai. ¹⁰ Warr maach pekau hee wēnΛrraajeewain maachin Hēwandam dāi hiekk'ōr pōmta naajim, maachdēu hi higba narr gaaimua. Pari mag Cristo maach kōit meetarr gaaimua Hēwandam dāi maach k'ōinaa hapi sim k'ai, magan hich hīiu p'iidΛtarr gaaimuajā hīchab maach haub k'aba hich haar hauju, ya Hēwandam dāi k'ōinaa wēnΛrraawai. ¹¹ Pari mag hich haar haujupaiĵā

k'abam. Maach Pör Jesucristoou Hëwandam d̄i mag maach k'õinaa hapitarr paarjã hirig h̄u hajim hanaa hich Hëwandamta t'õ hiek'aajem, honee naawai.

Adanau hõor hok'oopitarr; jũrr Jesuu peerd̄a haaujem

¹² Hich jãgta hajim h̄ichab warrgarjã: Hich mag Jesucristo meetarr gaaimuapai maach peerd̄ajemjõ, hõor hãbpai pekau wautarr gaaimuata h̄ichab t'umaam k'Λanta hewag pawiajã pekau paarpagk'ajim. Mag pekau gaaimua chi nacha pekau wautarr wounjã meetarr haawai maach hewagam k'Λanjã hagjõ t'umaata hõ deejim, t'umaam k'Λanta pekau wau t'Λnaawai.

¹³ Ley chuk'um haig parhooba nem waauwaijã magΛm paar hiek'aba haajeeb mamΛ, Moiseeg Hëwandamau ley p'ãpiju nawe hichiita ya chi pekaun s̄ejim. ¹⁴ Mag chi pekauta warrgurwe s̄ierr haawai Adán s̄isierr haigmua k'ïeb Moisés s̄ierr jaarjã mag pekaúata hewag pawiajã hõor t'um dajẽgpi wai s̄isijim. Hëwandamau Adanag hich k'ïircha jaautarrta hi hichaaur hawia pekau wautarrjõ hewagam k'Λnau chan hamachdëucha waubajierrab mamΛ, hichiita hamachdëu nem wauju k'aba nΛm k'ap'Λ narrta waujim. Mag wautarr gaaimuata hamachdëujã hich Hëwandamaucha jaautarrta hichaaur habarmjõ pekau waujierram.

Wajapcharan mag Adanau nacha k'aigba harr gaaimuata hõor t'um dajẽk nΛisierrjõ, nassi pawia Cristo bëewaijã hi meebarm gaaimuata h̄ichab jũrr hõor t'um peerd̄aju haai nΛisijim. ¹⁵ MamΛ

mua mag chir Λ m haig chan mag Adanau pekau wautarrta hewag paw Λ i Hēwandamau maach hat'ee hich Chaai p Λ itarrjō h Λ u sim haba chir Λ m. Nacha hich Hēwandamau woun hompaatarrau, w Λ japcharan Adanauma, hi hiek hūrba hi hichaaur hawia pekau wautarr gaaimuata hewag pawiajā t'umaam k' Λ Λ nta hō deejim. Pari mag t'umaam k' Λ Λ nta k'ēch n Λ m hoobaawai, Hēwandam maach d Λ i w Λ jap'a k'itaawai, jūr maachig regalo w Λ japcharamta s Λ i par deebarmjō hajim, hich Hiewaa Cristo p Λ ibarmua. Cristoou maach t'umaam k' Λ Λ n h Λ iu haum k'ōchgau maach kōit hich t'ōopibarmua hichdēu nem wauju haai s Λ ierr hatchata waujim. ¹⁶ Mag warrcha hōor hābpaimua pekau wautarr gaaimua t'umaam k' Λ Λ nta Hēwandam d Λ i hiekk'ōr paarpap Λ ijim. Pari mag hiekk'ōr pōm hich d Λ i paarpatarrrta, ham pekau pōm t' Λ narrjā higba, t'umaam k' Λ Λ n kōit meemk'īir Cristo p Λ itarr gaaimua pekau chuk'u narrjō deeu wajaug paap Λ ijim. ¹⁷ Hiin chadcha hābpaimua mag pekau paarpatarr haigmua hich chi pekauta nem jua t'eeg s Λ isijim, hichdēuta hōor t'um dajēk Haag. Pari Hēwandamta hag k'āai jua t'eegcha s Λ ierraawai hagjō woun hāb mag pekau paar maach kōit h Λ d Λ raa hich t'ōopitarr gaaimua mag Λ m t'um pōdp Λ iwi Λ , hōorjā wajaug paawia pekau chuk'u harrjō hapāaijem, h Λ japcharan Jesucristo gaaimuama. Mag hich t'ōopitarran, mag h Λ d Λ raa hamach wajaug paapi n Λ m k' Λ Λ nta hich dēnjō nem k'aigbamjā t'um pōdpāaijem k' Λ Λ nk'a wēn Λ rramk'īir hajim.

¹⁸ W Λ japcharan jāg Adán hich happai pekau wautarr gaaimua t'umaam k' Λ Λ nta Hēwandam d Λ i

hiekk'ör paarpatarrjö, hīchab Jesucristoouta hich Haai hipierraa maach kōit hich t'ōopitarr gaaimua mag hiekk'ör pöm narrjã magba harrjö hapäaijem, hich mag wēnΛrramk'īir. ¹⁹ Wajapcharan hãbpai mag Hēwandam hiek hūrba hi hichaaur harr gaaimua hōor pōmta pekau paarpagk'apitarrjö, hich hagjö hīchab hãbmua hūu hich Haai hipierraa maach t'umaam k'ΛΛn kōit meetarr gaaimua hōor pōmta hagjö wajaug paawia pekau chuk'u narrjö nΛisiju.

²⁰ Warrcha Hēwandamau ley deewain, hōrag hamach pekau wau nΛm k'ap hamk'īirta deejim. Pari magbaawai mag hamach pekau wau nΛmjã k'ap'Λ nΛmta warag hat'uuchata k'aibag hap'ōbaadēm hãba, hich Hēwandamaujã hich jãg hōor dau haug k'aug paraa k'itaawai, hīchab hamag wajapcha k'ap'Λ hapijim, hichdēu ham peerdΛ hauju haai sim. ²¹ Warr jãg pekau hōor meepieg hichta jua t'eeg hãrpai sierrjö, hīsã hīchab Hēwandam jua t'eegta jūr hag k'ãaijã hãrpai sim, maach Pör Jesucristo gaaimua mag maach pekau pöm narrta chugpaapΛiwia jūr hich dΛita hich mag hi dēnk'a wēnΛrramk'īir.

6

Pekau wawaagan maachin chi meemjö nΛm, mamΛ Cristo hat'ee nem wawaagan hiiu nΛm

¹ Mag pekau hat'uucha waauwaita Hēwandamau maach dΛi wajapcha haajem hanaawai, magan ¿warag hich magta pekau wau wēnΛrrajupá, mag pekau wau nΛm Hēwandamau chugpaapΛpΛik'ampierr chadcha hich maach

däi wajak'a k'it_Λm k'ap Haag? ² Mag k'abam. Jesucristo däi naawai tag pekau waumaugau ya maach chi k'ëchamjö n_Λmta, jäga mag b_ΛΛrjã dich k'aibag p_Λaba hagt'a pekau wau wën_Λrraju haai n_Λm habarju. ³ Pãrau k'ap'_Λ n_Λm, Jesucristo hiek h_Λk'awia maach hi t'_Λr gaai pör choowi hi dënk'a n_Λm k'_ΛΛnan ya hi däi hõor hãbpaimjöta n_Λm. Mag naawai tag pekau wauba haagjã warre hi däi hãba k'ëchtarrjöta n_Λm, ζma pãrau k'augba n_Λ? ⁴ Wajakcharan mag maach pör choo n_Λm haig, warre Cristo d_Λita hãbam jëbdegpai bëpp_Λitarjöta n_Λm, tag pekau wauujã k'augba Haag. Pari mag meebarmjö harran, s_Λi tag warramjö nem k'aigbam wauba haagpai k'aba, j_Λrr hich Cristo simjöta wën_Λrraagau. Wajakcharan Hëwandamau hich Chaai p'iriu hautarrjö, maachjã hich hat'ee hiiu p'iid_Λbarm k'_ΛΛnjöta hapi sim, hãba hichdëu k'õsimjö wën_Λrramk'ir.

⁵ Mag nem k'aigbam waumaugau Cristo däi hãba meetarrjö naawai hagjö hi däi hãba p'iid_Λbarmjöta n_Λm, j_Λrr nem wajak'am happaita wawaag. ⁶ Magua, maadëu k'ap'_Λ n_Λm, warr maach Cristo däi k'aba naawai dich k'õchagpierr nem waju k'irjug wai narrjã ya hich Cristoou hich däi hãba pakuls gaai meerpbap_Λimjö hajim, magbarmua mag_Λm k'irjug warre jua t'eeg chuk'u haadeewai tag mag pekaúgta dich k'ãai hãrpai hapiba hamk'ir. ⁷ Chadcha maach meewai chan tag nem wauujã k'augba haadeejeewai pekaúajã maach hogd_Λpãaijem, ya tag hich hipierraa habaju k'ap'_Λ siewai. Hich hagjöta sim hichab Cristo däi meebarmjö haawaijã: pekaúa pöd maach däi hiek t'eeg chuk'u sim. ⁸ Mag ya maach Cristo

däi k'ëchwi n_Λmjö naawai maadëu k'ap'_Λ n_Λm, maachjä hïchab hich Cristo simjöta wën_Λr_Λraju, pekaúgta h_Λd_ΛΛr dich h_Λr_Λpapiba. ⁹ Maadëu k'ap'_Λ n_Λm, Cristo hiiu p'iid_Λtarr haawai tag meebam; hí tag maach dajëk'_Λum k'_ΛΛnjö k'aba sïsim. ¹⁰ Cristo meetarran, hõor pekau paarta meetarr haawai, chi pekau jãg hichdëu hõor dajëk haajemjä warre hich Cristo garmuata pöd_Λp_Λijim. Pari mag meetarrta deeu hiiu p'iid_Λwia sïerr_Λm_Λn, hich gaaimua jürr hõragta Hëwandam t'ö hiek'amk'ïrau. ¹¹ Mag pãar ya Cristo hich garmua mag pekau pöd_Λp_Λitarr d_Λita naawai tag pekau waumaaugau ya chi k'ëchamjöta habat. Magarrau Cristo d_Λi n_Λm gaaimua Hëwandam hat'ee nem wajap'a wawaagan chadau jürr k'ïir hubagta habat.

¹² Pekaúg chan hoob h_Λd_Λraa pãach gaai h_Λr_Λpapimiet, sïi warrgar pãachdëu nem waum k'õsimpai waaujerr wawaag. ¹³ Nem k'aigbam wawaag chan ni b_Λchk'un hawiajä hoob pekaúgta pãach gaai h_Λd_ΛΛr hapimiet. Mag k'ãai Hëwandamagan chadau pãachta sïi k'ajap'am nem jua choogjemjö hidëu pãach d_Λi hichdëu hampierr hapibat. Ya pãar mag nem k'aigbam wau wën_Λr_Λramaugau, Cristo d_Λi hãba meewia deeu hiiu p'iid_Λwi naawai, Hëwandamagta pãachdëupai warre pãach t'um t'_Λsïebap_Λit. ¹⁴ Pãrau magta ham_Λn pekau chan b_ΛΛrjã pãar d_Λi hiek t'eeg chuk'u sïsiju. ¿K'an jãgwi? Pãrau sïi pãachdëu k'ïirju n_Λmjö Moiseeu ley p'ã p_Λatarr h_ΛΛrk'a n_Λmua k'aba, hãba Hëwandamau hich garmuata pãach pekau hee wën_Λr_Λrapimaaugau h_Λu pãrag k'ïirjug dee sïewaima.

Hēwandam chogk'a naawai nem hagchata wauju haai nΛm

¹⁵ Mag, mua Moiseeu ley p'ã pΛatarr hΛΛrk'a nΛmua k'aba hāba Hēwandam maach dΛi wajaɾ'a k'itaawaita maach peerdΛ haaujem ha chirΛm haig, hābmua k'āijā, Hēwandamau maach chig habaju hawi, “Magan warag pekau wauju haai naabahab” haju. Pari magjā k'abam. ¹⁶ Magju k'āai wajaɾ'a k'īrjunaata nem waubat. Pārau pāachdēuta jaauju haai nΛm, ʔpekaúgta hΛdΛΛr pāach hΛrɾpapim k'ōsi nΛ, hok'oom hiek hok'oog, wa Hēwandam chogk'am k'ōsita nΛ, hi hiɾierr nΛmua hi haar hōbēraag? Pāachdēu higbarmta pāar pōrk'a sīsiewai maguata pāar hich chogk'a wai sīsiju. ¹⁷ Warran pāran chadcha pekau chogk'a nΛmjōta naajim, pāach k'ōchagpierr nem waaujerr gaaimua. Pari hīs jūr pāar gaaimua Hēwandamagta hΛu hajim ha chirΛm, pāachig jāga wēnΛrraju haai nΛ ha jaautarr hiekta pārau t'ārauchata hΛk'a naawai. ¹⁸ Mag pekau jua heemua Hēwandamau hΛu pāar peerdΛ hautarr haigmua hīs in pāran jūr hi chognaanau, hichdēu nem k'ōsimjō nem hagchata wau wēnΛrraawai. ¹⁹ Mua mag chik'am chogk'a nΛm jaau chirΛmΛn, sīi cha mΛchdēu jaau chirΛm wajaɾ'a k'ap'Λ hamk'īirta mag ejemplo pārag jaau chirΛm. Magba hak'iin pārau pōd k'augbaju, k'anta mua jaau chirΛ. Mag mΛchdēu jaau chirΛmjō, hich jāg warr sīi pāach k'ōchagpierr nem k'aigbam waaujerr gaaimua pekaúgta hΛdΛΛr pāach hΛrɾpapiejerrjō, hīchab hīs jā warre pāachdēupai pāachta t'um Hēwandamag t'ΛsīebapΛit, hichdēu k'ōsimjō nem wajaɾ'ata wau nΛmua chadcha hi hōork'a hāba hi hat'eepai wēnΛrraag.

20 Chadcha warr p̄ar s̄i p̄ach k'ōchagpierr nem wau n̄m gaaimua pekau chogk'a n̄mjō naajee-wai chan Hēwandamau waupi jaau simjō wau-jujā k'īrjuba haajeejim, hagt'a hi hōor k'aba narr haawai. 21 Pari hīs hewag panaa hoowai, k'an wajaug s̄ejī mag k'aigba wēn̄arrarr. Hante hīs maḡm k'īrjuawai warag maach chigaata sim, mag dich nem k'aigba wau n̄m gaaimua s̄ita warag maach hok'oopiejeewai. 22 Pari hīs chan p̄ar warr pekau chogk'a narrjō k'aba n̄m; hīs̄in p̄aran jūr̄r Hēwandam chognaanau. Pari mag hi chogk'a n̄m̄n chadau hante maach hat'ee wajaugta sim, mag n̄amuata hi hōork'a hi hat'eepai wēn̄arranaa hi haar hōbērwi hi d̄i naaimaju haawai. 23 Pekau chogk'a n̄mjō n̄muan s̄i warag maach hok'oom hiekta hok'oopiejem. Pari jūr̄r Hēwandamau hich chogk'a wēn̄arr̄m paar maachig deeju jaau sim̄n, h̄agt'ar pawiajā hich mag hich d̄i p'ē wai s̄is̄ijuuta jaau sim, maach Pōr Jesucristo d̄i hōor hābpaimjō naawai.

7

Cristo dēnk'a n̄m̄n h̄ai jaai paraamjōta sim

1 Cristo gaaimua k'odamnaa, p̄rau ley k'ap'̄m k'̄n̄n haawai p̄rau meraa k'aba n̄m, lein maach hiiu durrum horapaita maach d̄i hiek t'eeg s̄ejem. 2 P̄adē k'īrjubat: H̄ai jaai paraamjā hich hagjōta s̄ebahab. Ley gaai jaauwai, chi jaai meebam haiguin hich jaai gaai j̄gatau j̄ simjōta sim han̄m, p̄aju k'aba. Pari chi jaai meebaadeen chadau mag j̄ simjō s̄ier̄ta hēed̄baadēmjō sim, tag jaai chuk'u haadeewai. 3 Pari mag jaai paraa

simta deelum hemk'ooi dāi k'apes hamΛn magan pekauta waubarm, hich jaai k'abam dāi haawai. Pari chi jaai meebaadeen chadau ya deelum jaai hauju haai sim, mag hich jaai gaai jΛ simjō sīerrjā ya hēedΛbaadēmjō sīewai. Mag, k'oopawia hich hap sīsimta jaai hau simΛn magan pekau k'abam.

⁴ K'odamnaan, pāarjā hīchab hich hagjōta naabahab: Warran leita pāar jaaijō sīejim. Magua hichiita pārau hag gaai jaau sim hipierraa hab k'aba haajeejim. Pari tag pekau waumaaugau ya pāar Cristo dāi meetarrjō naawai ya mag ley pāar dāi tag hiek t'eeg chuk'u sīsim. Ya hīsin pāran jūrr Cristo dēnēu, har meewia deeu hiiu p'iidΛtarr dēnma. Mag hi dēnk'a naawaita Hēwandam dau na nem wajap'a wau wēnΛrraju.

⁵ Warr maach parhoobam k'ΛΛnjō sīi dich pekau hee wēnΛrraajeewai leiu maachig nem parhoob waupiba jaau sīejim. Pari magtarra nem k'aigbamta waupi jaautarrjō warag parhoobam nemta waum k'ōchk'a p'ōbaadēwi sīi hok'oo nΛisijim. ⁶ Pari mag narrta hīs jūrr nem k'aigbam waumaaugau Cristo dāi hāba meewi nΛisimjō nΛm. Mag Cristo dāi meebarmua hīsin maachin hāba Hēwandam chognaanau, ya mag leita maach k'āai hΛrpai k'aba sīewai. Pari mag hi chogk'a nΛm chan mag ley gaai jaau sim hΛΛrk'a nΛmua k'aba, hich Hēwandam Hak'arau wēnΛrrapi jaau simjō wēnΛrrΛmuata mag hi chogk'a nΛm.

Pabloou hich pekau k'aug hautarr

⁷ Mag k'ai, ¿magan Hēwandamau ley deetarran pekaupá? Mag k'abam. Hēwandamau ley deetarr chan pekau k'abam. Pari mag ley

k'urau k'abamuan, m_Λch pekau paraa chir_Λmjã k'augba chirak'am. Mag ley gaai “Hoob chik'am nemta p_Λch dën hapim k'õsi ham” haba sïek'iin, mua b_Λarjã k'augba chitak'am, magpai n_Λmua pekauk'a hõbër sim. ⁸ Pari mag ley k'aug hat'amjõ habaawai chi pekaúata warag m_Λr_Λg chik'am nem k'õsi haju haai k'aba chir_Λmpata warag k'õchk'apibarmjõ hajim. Pari ley chuk'umuan magbak'am. Wajapcharan ley chuk'um haiguin, pekaun sïi hiek t'eeg chuk'uta sim, nem k'aigbam maachig waupieg. ⁹ Warr hagt'a daumeraa chiraaJeewain m_Λch pekau wai chir_Λmjã k'augbata chirarr haawai m_Λ h_Λu chirajim. Pari maimua ya m_Λchdëu chi ley gaai jaau sim k'aug hat'aawaita, hïchab mag m_Λchdëu nem wauju k'abamta waum k'õchk'ak'ak'am gaaimua ¹⁰ warre m_Λch hok'oo chir_Λmjã k'ap'Λ chirsijim. Magta hajim. Wajapcharan m_Λchdëu k'ïirjuawai, mag ley h_Λark'a n_Λmuata m_Λch peerd_Λ haujupii chirajim; pari magtarrta jürr hich hag leïupai warag m_Λch hok'oojuuta m_Λr_Λg jaubarmjõ jaubaawai ¹¹ mua k'ap'Λ haadëjim, chi pekaúata sïi m_Λch k'ũgurbarm. ¿Pari jãga magjï? Par ley t'um h_Λark'a haubaju h_Λark'a chitarr gaaimuama. Wajapcharan mag ley t'um pöd h_Λark'a haubam gaaimua, warag pekau wau chir_Λmuata mua k'aug hat'ajim hïchab, chadcha m_Λch hok'oo chir_Λm.

¹² Magua k'ap'Λ habat keena: Hëwandamau ley deetarr chan pekaujõ k'aigba k'aba sim, hich Jöoiraucha deetarr haawai. Mag lein chadcha chi wajap'am_Λu, hichdëu nem k'õsimta waupi jaau-naa maach h_Λu wën_Λrramk'ïirta deetarr haawai.

¹³ Magua, ley gaaimua chan m_Λ hok'ooba, pekau gaaimuata hok'oo chirajim, leíu wajaug jaau sim chaaur sīi m_Λch k'õchagpierrta nem wau chitarr gaaimua. Pari mag ley gaaimuata hīchab mua k'ap'Λ haadējim, pekau chadcha nem wajap'am k'aba sim. Wajapcharan Hēwandam hiek gaaimuata maadēu k'ap'Λ n_Λm, pekau chadcha hat'uuchata k'aigba sim.

¹⁴ Maadēu k'ap'Λ n_Λm, hāgt'armuata ley deejim. Pari m_ΛΛn sīi hich m_Λig heegarpaim_Λu. Mag chiraawai pekauta wounjō m_Λch pörk'a wai chit_Λmjō, hirua nem k'õsimta wau chit_Λm gaaimua hi chogk'a chit_Λm. ¹⁵ K'augbam k'ar m_Λ jāga chiraajem k'ai. Pari m_Λch himeerba, chadcha Hēwandamaujā k'õsinaa m_Λchdēujā nem waum k'õsimta wauba, hagt'a nem k'aigbam m_Λchdēu waumap'anta waaujem. ¹⁶ Mag leíu waupiba sim nemta m_Λchdēujā waumap'a chir_Λm haig, magan m_Λch paarmua mag ley wajap'a sim ha chir_Λm. ¹⁷ Magua m_Λchdēu k'õchk'abam nem wau chir_Λm haig, sīi juau hogt'om k'abam. Mag_Λm wau chir_Λm chan m_Λchdēucha k'aba, m_Λch dxi t'aabatarr pekau m_Λ gaai hārp_Λ simuata mag waupi simjō haajem. ¹⁸ Mua k'ap'Λ chir_Λm, m_Λg chir_Λm haig chan b_ΛΛrjā t'āar wajaug chuk'u chir_Λm Hēwandam dau na. Magua, nem wajap'a waum k'õsi chir_Λmjā pöd wauba haajem. ¹⁹ Magju k'āai mag nem wajap'a waum k'õsimjā waubanaa nem m_Λchdēu waumap'anta waaujem. ²⁰ Pari mag m_Λchdēu nem waumap'am waauwaijā, sīi m_Λch k'īrauta wauba, m_Λch dxi pekau t'aabatarrauta warag m_Λ gaai hārpawi mag_Λm waupim k'õsi haawaita mag_Λmpa wau-

maajem.

²¹ Magua mua mΛchdēupaijã mΛch k'ap'Λ chirΛm, mΛch k'ĩirjuguan nem wajap'am happaita waum k'õsim hee, nem k'aigbam wauju k'ĩirjugta maach na garpapak'amjõ haajem. ²² Maagjeeb mamΛ Hēwandamau ley deetarran mΛch t'ãrau k'õsinaa hichiita hag higar chirΛm. ²³ Pari mag Hēwandam ley k'õsi chirab mamΛ, mua k'ap'Λ chirΛm, jũrr hãb hãgjõ mΛ mor hee simuata mΛchdēu k'ĩirju chirΛm chaur k'ĩirjug k'ĩet mΛrΛg k'ĩirjupi sim, hichdēuta ganaag. Ma, chi pekau mΛch dãi t'aabatarrau. Hichdēuta woun dēnjõ mΛ pΛr wai simjõ haajem, hichdēu nem k'õsimta waupieg. ²⁴ ¡Hēh, hapk'iitΛ mΛdam! MagΛm k'ĩirjubaadeewaita honegjã chuk'u chiraaajem. ¿K'aiuwaata mag maach mor hee pekau sim jua heemua maach k'aigpēr hat'aagáwa? ²⁵ Hãba hich Hēwandamaupaita maach Põr Jesucristo gaaimua maach k'aigpēr hauju haai sim. Magua hirigta hãu hajim ha chirΛm, hich mag Jesucristo gaaimua. Wajapcharan mΛgta sim: MΛch hõdiiun, Hēwandamau k'õsimta wau chitΛmua hi chogk'a chitam k'õsi chirΛm. Pari mag chirΛmta, Cristo k'urau k'abamuan, pekauta hagt'a wounjõ mΛ k'ãai hãrpai sĭek'am.

8

Hēwandam Hak'arau jaaumamjõ wēnΛrraag

¹ MamΛ hãu magba, maach ya Jesucristo hiek hãk'awi hich dēnk'a nΛm k'ΛΛnau chan tag pekaúgta hich mag hΛdΛΛr dich hãrpai hapiju k'aba nΛm, mag pekau wauujerr paarjã hok'oopimaaugau ya maach hich dēnk'a naawai.

² Pari magagaan chi Hēwandam Hak'arau maach hich Cristo dēnk'api hat'amua mag maach hok'oopiju harr jua heemua peerdΛ hat'aawaita mag pekaúgta maach hārpai hapiba haajem.

³ Wajapcharan mΛgta hajim: Moiseeu p'ã pΛatarrau pöd pekau jua heemua maach k'aigpēr haubajim, mag pekau maach dāi t'aabatarr gaaimua pöd mag ley hΛark'a hauba harr haawai. Pari Hēwandamau magbajim. Hēwandamaun hich Hiewaachata maach wounaan k'īir t'egwia pāijim. Mag hich mΛg maach chi pekaupanjö k'itajieb mamΛ, bΛrjã pekau waubajim. Mag pāiwiā maach k'aibag kōit t'ōopibarmua, maach gaai haju harrta warag hich Chaai gaaita hΛdΛraa mas hapijim, magbarmuata jūrr mag pekau maach dāi jua t'eeg sierrta warre jua t'eeg chuk'u hapāaig. ⁴ Magta hajim Hēwandamau, hichdēu ley deetarr gaai maachig waupi jaau simjö wēnΛrramk'īir. Magaag ya tag warr maach pekau hee wēnΛrraajeewaim k'īirjugjö k'aba, hich Hēwandam Hak'arau waupi jaaumamjöta nem wau nΛm.

⁵ Har sīi hamach bi heem k'īirjug dāipai bāauwi pekau wau wēnΛrrΛm k'ΛΛnan, sīi hamach k'ōchagpierrta nem wauju k'īirju sierrjēem. Pari har Hēwandam Hak'arau jaau sim hipierraata nem wau nΛm k'ΛΛnan, hāba hichdēu k'ōsi simjöta nem wauju k'īirjuajem. ⁶ Hēwandam Hak'aragta hΛdΛraa dich dāi hichdēu hampierr hapi nΛmΛn, k'ōinaa Hēwandam dāita hich mag wēnΛrraju. Pari magba sīi dichdēu nem waum k'ōsimΛgta hΛdΛraa hich mag dich gaai hārpaipimΛn, jūrr hok'oom hiekta hok'ooju. ⁷ ¿Jāgwi mag hok'ooju? Sīi mag dichdēu

nem k'õsimagta hΛdΛraa dich gaai hΛrρapinaa jÿrr Hẽwandam hichaaurta nem waaujeewaima. Dich mag nem wau nΛm gaaimua hi hipierraa jã haba, wa mag hi hipierraa haju hẽk'ak'iinjã, hichiita pödbaju. ⁸ Har mag sïi hamachdẽu nem k'õchagpierrta nem waaujem k'ΛΛnau chan pöd bΛΛrjã Hẽwandam honeeupi hauba haajem, hamachdẽu nem wau nΛm gaaimua.

⁹ Pari pãar magba nΛm. Pãrau hagt'a mag sïi pãach k'õchagpierr nem wau wẽnΛrraba, hich Hẽwandam Hak'arau nem waupi jaau simjöta nem waaujem; majã chadcha mag hi Hak'aar wai nΛm k'ai mamΛ. Pari hãbmua mag Hak'aarta chuk'u sim chan magan ma chan Cristo dẽn k'abam. ¹⁰ Pari chadcha Cristo pãar t'ãar hee sïejem k'ai, pãach pekau gaaimua pãar moron jẽbeg paauk'awiajã, pãar hak'aran hich mag hiiu sïisiju, ya hich Hẽwandamauchata pãar k'aibag chugpaawi bΛΛrjã pekau chuk'u harrjö hapΛiwia naawai. ¹¹ Chadcha mag Jesucristo p'iriu hautarr hag Hak'aarta pãar t'ãar hee sim k'ai, magan mag pãar mor jẽbeg paauk'abarmjã deeu Hẽwandamau mag hich Hak'aar pãar hee sïejem gaaimuapai deeu p'iriutk'a hauju.

¹² Jãan magau keena, cha mΛchdẽu jaau chirΛmjö. Maachin chadcha Hẽwandam Hak'aragta hidẽu hichdẽu hampierri hapiju haai nΛm maach dΛi. Pari jÿrr dichdẽu k'õchagpierr nem wawaag chan bΛΛrjã magju k'aba nΛm. ¹³ Pari pãrauta hÿrbamjö sïi pãach k'õchagpierrta hich jãg nem wau wẽnΛrrΛmΛn, pãran hichiita hok'oob k'aba hok'ooju. MamΛ pãrau mag sïi pãach k'õchagpierr haju k'ãai, mag Hẽwandam Hak'arau

pãach juag hoo nΛm dΛi pãach garmuata warre pödpǎpǎi hamΛn chadau, magan hok'ooba hich mag pãar hΛu wēnΛrraju.

¹⁴ K'ap'Λ habat: T'um har Hēwandam Hak'aragta hΛdΛraa hamachig hichdēu nem jaaum haig jaaupinaa hi hipierr nem wau nΛm k'ΛΛnta chadcha Hēwandam chaainau. ¹⁵ Mag hich Hak'aar deebarmua hich chaaink'a hautarr chan, sī mΛig heegar chik'am chogk'a nΛm k'ΛΛnau hamach patronnaan högk'aajemjō hich hōk'ō wēnΛrramk'īir k'abajim. Magju k'āai mag hich Hak'aarta deetarr haawai hirig jēeuwaijā chadcha hich hag Hak'araupai bΛΛrjā hinag chuk'u hirig Haai hichēpiejem. ¹⁶ Mag hich Hak'aar maachig deetarrauta jūrr maachig jajaauk'amjō haajem, chadcha maach Hēwandam chaaink'a nΛm. ¹⁷ Mag chadcha hi chaaink'a naawai, hich Hēwandamau hich haar paauk'abaimaa, maachig deejū ha simjā chadcha deejū, magbaawai Cristo dΛi hāba maachdēujā nem t'um wai naamk'īir. Pari mag hich Hēwandamau Cristo dΛi harrjō maach dΛijā wajapcha hamk'īiran, hich jāg Cristo dau hap'ΛΛ mΛig heegar nΛrraajerrjō maachjā hagjō hi gaaimua dau haug hau wēnΛrraju.

MΛg hatag Hēwandamau maach dΛi wajap'a haju

¹⁸ Hiin mΛig heegar haawain maachin chadcha mag dau haug wau wēnΛrraju; mamΛ jūrr mΛg hatag hΛgt'ar paawaita wajapcha naaimaju k'īirjuawai chan, mag dau haug wau nΛmjā sī warag maadēu higbata sim. ¹⁹ Chadcha mag sim k'ap haag pãadē k'īirjubat: Maadēu k'ap'Λ nΛm, mΛg durr gaai maimua hedjā heejā nem

t'ʌnʌm t'um ya hīs chan warr Hēwandamau hamach hompaatarrjō k'aba t'ʌnʌm. Mʌg maach wounaan dau haug wau nʌmjō, hīchab hamjā waragta heegar paauk'amam. Pari maadēu k'ap'ʌ nʌm hīchab, ham mag t'ʌnaab mamʌ, Hēwandamau maach p'iriutk'a hauwia hīchab hamjā deeu wajaug paapʌiju. Magua hamachdēujā magju k'ap'ʌmjō, Hēwandamau maach hichdēu wajaug paatarr k'ʌʌn dʌi dau daau bēējuuta wounaan dēnjō sīi nʌ k'odt'ʌnʌm. ²⁰ Warr Hēwandamau mʌg durr hompaawai chadcha wajak'ata waupʌijim, mag gaaimua hōor p'it'urg chuk'u wēnʌrramk'īir. Pari magtarra mag Adʌn pekau gaaimua chi durrpata warre hār jopjim. Mag hār sīsijā hich k'īrau k'aba, hich Hēwandamauta magpijim. Mamʌ hichdēu k'ap'ʌ sīejim, hich mag k'aigba sīerram hiek k'aba, ²¹ hewag pawiajā deeu hūwai hichdēupai haaunaanjō pōr k'oreu hat'amua maach hich chaaink'a nʌm k'ʌʌn dʌi hāba wajaug paapʌiju. ²² Maadēu k'ap'ʌ nʌm, mʌg durran hʌʌi chaai hawaagpaawai bi machgau hidaau haadēp haajemjōta sim. Pari mag hidaau t'ʌnaawi ya hat'aawai honee haadejemjō, hīchab mʌg durrjā cha hich simjō sīerram hiek k'aba, hichiita hijā hīchab deeu durr wʌjʌúg paju. ²³ Mamʌ hīs mag mʌg durr happai k'aba, maach hich Hēwandam Hak'aar wai nʌm k'ʌʌnpata gaai machag nʌm, Hēwandamau da maach hawaan bēeba haawai. Magua maadēu jōpk'aa hi bēepim k'ōsi nʌm, mag maach hich chaaink'a hich dʌi t'um hāba p'ē hat'aawai maach mor mʌg dajēk'u k'itʌmta tag meejā k'augba hich mag hiiu nʌisieg. Mamʌ mag Hēwandamau ya maachig hich Hak'aar

deetarr haawai maadëu k'ap'Λ nΛm, maach dāi magju ha simjā chadcha hichdëu jaau simjō haju. ²⁴ Chadcha maachin ya peerdΛwi nΛm. Pari mag mΛg hatag hich Hëwandamau maach dāi wajap'a haju ha simjā hāk'a naab mamΛ, maach daúa chan hagt'a hooba nΛm. Pārau k'ap'Λ nΛm, nem maadëu dich daúa hooju k'īirju sīerr ya hoobarm haigmua tag hoom k'ōchag k'aba haadeejem, ya dichdëu k'īirju sīerrjō dich daúacha hoobaawai. ²⁵ MamΛ hich haggjō mag dichdëu hoom k'ōchag t'ΛnΛmjā chadcha hagt'a hooba sim k'ai, magan hoobam haigjā nem pΛabaju. Magua, mag dau haug wau wënarrawiajā hāba Hëwandamau mΛg hatag maach dāi wajap'a hajuuta k'īirju wënarram.

²⁶ MamΛ mag k'īirju nΛm happaijā k'aba, hich Hëwandam Hak'arauta maach hak'aardam k'a t'ūu haadeewai hāu maach hak'ar juag hoojem, magΛm p'it'urg waauwaijā hāwatamk'īir. MagΛm gaaimua maadëu pōd Hëwandamag jëeju k'augbam hiek'au sīi “jHëh, Hëwandam!” haawaijā, hich chi Hëwandam Hak'arauta maach k'īirjug k'ap'Λ sim haawai, jūrr hichdëuta maach kōit warre hich Hëwandamagchata jaaumaajem. ²⁷ Hëwandam chi Hayauta maach k'īirjug k'ap'Λ haajeewai, hi Hak'ar maach hee simuajā mag maach k'īirjug higwia maach kōit nem jëeuwai, k'ap'Λ haajem k'anta jaau sī. Mag, hich Hak'araujā hichdëu k'ōsimjōta jëeu sīewai hāk'ab k'aba hi hiek hāk'aajem.

P'it'urg hāwat nΛm gaaimuata Cristoou maach k'ōsi haajemjā warag k'apcha pamam

28 Maimua maadëu k'ap'Λ nΛm hīchab, maach chi Hēwandam k'ōsi nΛm k'ΛΛnan dau haug waauwaijã magΛm gaaimua warag mΛg hatag paawai dich hΛu hamk'īirta hΛdΛraa magpiejem. Wajapcharan hich Hēwandamau k'ōsi simjō maach chadcha hich hiek hΛk'abaawai peerdΛ hautarr k'ΛΛn dΛita mag hΛu haajem, chadcha maachta hichdëu t'Λrk'a hautarr k'ΛΛn haawai. 29 Mag hichdëu maach t'Λrk'a hauju nawe, hagt'a mΛg durr gaai hōor chuk'u nΛwe, hichdëun hich hiek hΛk'aju k'ΛΛn k'ap'Λ harr haawai, mak'ΛΛnta hich Chaai wajap'a k'itΛmjōta wajaug paapΛiju haadëjim, magbarm gaaimua hich Chaaita hewag pawiajã wajaug paak'abarm k'ΛΛn hag naam chi jōoik'a sīsimm'īir. 30 Mag hich Chaaijō wajaug paak'aju hatarr haawai hīs chadcha maach hich hat'ee t'Λrk'a hauwia hich dēnk'a hat'am. Mag hichdëu t'Λrk'a haumam k'ΛΛnan ham pekau chugpaapΛiwiawarrjã pekau chuk'u harrjō hapāijem. Mag, hag najã pekau chuk'u harrjō hapΛiwi hich haar paaok'abaimaawain chadau hich Chaai wajap'a wai simjō maachjã wajap'a hich dΛi wai sīsiju.

31 Mag chadcha hich Hēwandamau hich haar p'ë hauwi hich Chaai dΛimjō maach dΛijã wajap'a haju k'īirjunaata k'ap'Λ habat, mua pārag jaaok'im: Hōraun chadcha maach dΛi k'aigba hawiajã Hēwandamau hichdëu maach dΛi nem magju ha sim haig, k'aíu jūr hi jua chaur nem waubarju. 32 Hēwandamau hich Chaaijã hīgk'aba, sīi warag hΛdΛraa maach t'umaam k'ΛΛn kōit t'ōopibarmua nem dee nΛmjō deetarrrta, jāgwi hirua sīi maachdëu nem hinag hig nΛmjã deeba habarju.

33 Hich Hēwandamauta hōor wajaug paapΛiwi war-

rjã hich mag pekau chuk'u harrjõ sim ha jaau-
 jemta, k'aíu hi hichaur maach hichdëucha jΛr
 hautarr k'ΛΛn higwia hirig, "Jãk'ΛΛnan hagt'a pΛ
 dãi kulp pöm nΛm" habarju. ³⁴ Cristota maach
 kõit meewia deeu hiiu p'iidΛwia maach peerdΛ
 hautarra, k'aíu jÿrr hichaur maach k'aibag
 waupibarju. Hante magpimaaugau hichdëuta
 hãgt'arjã maach kõit jëeu sim. Maimua hichta
 mag maach kõit hiek'aagjã Hëwandam dãi hiek
 t'eeg sïebahab. ³⁵ Mag sim dãi maach nΛmta,
 çpãrau k'ïirjuawai maach p'it'urg hau wënΛrrΛm
 dãi hõrau k'ãijã maach k'aibag wauk'iin, Cristoou
 maach dau hãauk'aawai k'ai? Wa k'õju chuk'u
 nΛm dãi k'ajũajã chuk'unaa, sï chik'amnau maach
 dak'ãk'ãu nΛΛ hawia maach t'õobpãik'iinjã, çpãrau
 k'ïirjuawai Hëwandamau tag maach k'õchk'amap'a
 haawai k'ai? Mag k'abam. MagΛmuapai chan
 Cristo dãi hagdaujõ maach k'õsi nΛm pöd k'echeu
 haubam. BΛΛrjã nem hinag chuk'um, Cristoou
 maach daupii wai sim tag daupii hapiba haag.
³⁶ Pari hichiita hich Hëwandam hiek p'ã sim gaai
 jaau simjõ, maach mag dau hap'ΛΛ haju higwia
 hïchab David k'ararraujã Hëwandamag magjim:
 "PΛ gaaimua maran t'õjuuta jΛΛrjem.

Nemchaain k'eechjem haar oveja t'õon
 harrumjõta haajem hõrau maar dãi, bΛΛrjã
 maach dau haug k'augba." (Sal. 44:22)

³⁷ Pari p'it'urg hau wënΛrrawiajã mag maach
 daupigau hΛdΛraa hich t'õopitarr gaaimuata
 magΛmjã pöd pãpãi haajem; wajaچاران Cristo
 gaaimuama. MamΛ mag happaijã k'aba, mag
 p'it'urg hãwat nΛm gaaimuata hïchab hich Cristoou
 maach k'õsi haajemjã warag k'apcha pamam.

38 Magua mua k'ap'Λ chirΛm, ni hābmuajã pöd
 Cristo jua heemua maach k'echeu haubaju:
 mΛig heegar hich mag p'it'urg hau wēnΛrrΛmua,
 juau t'ōo nΛmua,
 Hēwandam chognaanu,
 hedjã heem dösāt bēnēu,
 sīi parhoobam bēnēu,
 nem dau chigaa hoo nΛmua,
 mΛg hatag nem hōbēbērg maju k'īirju nΛmua,
 39 hΛgt'aa hedjã hee nem hinag t'ΛnΛmua,
 mΛg jēb gaai wa mΛg jēb heegar nem parhoobam
 nem hich Hēwandamau wautarr sīsida
 k'āijã
 pöd hi jua heemua maach k'echeu haubam.

9

*Jacob chaain hewagam k'ΛΛnta Hēwandamau hich
 chaaink'a hautarr*

¹ Aay keena, mΛch himeerba, maach meeun
 israelnaan parhooba haida wēnΛrrΛm k'ΛΛn
 k'īirjuwia chadcha mΛ gaai masi chiraajem.
 Cristo dēnk'a chirΛmuata mag hiek'a chirΛm.
 Mag nΛm dāi hīchab hich Hēwandam Hak'arauta
 mΛrΛg jajaau haajeewai mΛchdēujã k'ap'Λ chirΛm,
 mΛch sēuk'aba chirΛm. ² MΛch mag chirΛm
 gaaimua, maach meeun k'īirjuapierr mΛ t'ārau
 pöd hāwatbajujö haadēp haajem, hamau Cristo
 hiek hΛk'aba naawai. ³ MΛchdēu Cristo hisegwia
 mΛchta hi jua machgau dau hap'ΛΛ hich mag
 chitΛmua jūrr hamta hΛu wēnΛrraju k'ap'Λ hak'iin,
 mua magΛmjã haba warag Cristoog mΛch gaaita
 jua k'Λaba deepik'am, ham kōit. ¿K'an gaaimua
 mag chirΛ? Pāach t'umta chadcha mΛch meeun

haawai m_Λch k'odnaanjö naawaima. ⁴ Maach israelnaanta hich Hēwandamau j_Λr hautarr k'abahab, hich chaaink'a hawaag. ¿Maach jöoin d_Λi k'abajī, hichta ham wētum na j_Λant'umiejö k'ōrr jūmamua hedaarjā hīchab ham harar w_ΛΛ wai n_Λrrarr? Maach hat'eeta hīchab hich Hēwandamau maach jöoi Moiseeg hich hiek p'āpijim. Maach jöoinag k'abajieb, jāga hirig jēuju haai n_Λ ha jaaunaa hīchab ham chaain hewagam k'_ΛΛn heeta hōor peerd_Λajemjā t'aabaju jaautarr. ⁵ Maach jöoin Abrán, Isá maimua Jacob hajierram, warrchajā Hēwandamau j_Λr hautarr, ham gaaimua hewag pawī maach meeun hompaa hawaag. Hēwandam Hiewaa maach peerd_Λ hawaag wounag paawaijā mag jöoi Jacob chaain hewagam k'_ΛΛn heeta t'aabachējim. Hich mag parhoobam chaaindamjö t'aabachētarr wounpaita Hēwandam haawai nem t'um t'_Λn_Λmjā hichdēuta k'ap sim. Magua, hiita t'umaam k'_ΛΛnau hich mag m_Λg hatagjā t'ö hiek'aju haai n_Λm.

⁶ Pari mag maach peerd_Λ hawaag Hēwandamau hich Chaai päiwaijā, maadēu k'ap'_Λ n_Λm, maach meeunau chan wajap hi higba, hāaur k'_ΛΛnaupaita hi higjierram. Magjieb mam_Λ Hēwandamau maach jöoin d_Λi hich hiek'atarrjö habajim haju k'aba n_Λm. Hichdēu maach jöoi Israelag, hajapcharan hich Jacoogpaima, maach meeun k'apan hapiju hatarrjö, hichiita maach meeunan chadcha k'apan t'_Λn_Λm. Pari mag k'apan t'_Λn_Λm hee, t'umaam k'_ΛΛn chan Hēwandam chaain chaar k'abam, israelnaan hawiajā. ⁷ Wajapcharan israelnaan han_Λm k'_ΛΛnan, hich jöoi Israel k'ararr dēnjö wajapcha Hēwandam hiek h_Λk'a n_Λm k'_ΛΛnta

chadcha israelnaan charau. Magua, jöoi Abrán chaain hewagam k'ΛΛn hawiajä, Hēwandamau hoowai, t'um chan israelnaan chaar k'abam. Hēwandamau jöoi Abranag, “MΛg hatagjä pΛ chaain k'apan haju” hajim chadcha. Magtarr haawai jöoi deelum chaai Ismael haajerr gaaimua haggö chaain paraa hajieb mamΛ, Hēwandamau hoowai, mag dēn chan hi chaain chaar k'aba, hāba Isá chaainpaita hewag pawiajä hi chaain chaark'a nΛisijim. ⁸ Magua maadēu k'ap'Λ haju haai nΛm, Abrán chaain hewagam k'ΛΛn hawiajä t'um chan Hēwandamau chaain chaar k'abam. Hāba har Abrán k'ararr dēnjö hich Hēwandamau nem wauju habarm hāk'a nΛm k'ΛΛnta hi chaain charau. ⁹ ¿Pārau k'īir heyaa nΛ, hich Hēwandamau Abranag nem deegu jaautarr? Hirua magjiebma Abranag: “MΛg año hurumuata Saraau pΛrΛg chaai hoo deegu” hajim, mag chaai hoobarm gaaimuata hich hōork'aju k'ΛΛn paarpaju higwi.

¹⁰ Mag, chadcha mag chaai Isá hanΛm t'aabawia ya jöoipa sīsiewai hΛΛi Rebeca hanΛm dāi pajim. Maimua ya Rebeca meísnaan gaai hauwimΛΛ haadēm hee, ¹¹⁻¹³ Hēwandamau hirig, “PΛ chaain chi jöoin hap'öbaadee chi naamta jūrr hich heeum chogk'aju” ha jaaujim. Magju higwia hīchab Hēwandamau hich hiek p'āpitarr gaai, “Jacobta mua hārcha daupii hajugui” hajim, “chi naam Esaú k'āai.” Pari Hēwandamau mag hiek'aawai hagt'a hamach hād bi hee naajim, hamau nem k'aigbam wa hΛuum k'āijä wauju nawe. Mag Hēwandamau chi heeum Jacob dāita wajap'a haju hatarran, chi Jacoou nem wajap'a wautarr gaaimua k'aba, warrgarwe hich Hēwandamau hi dāita magju harr

haawai hajim, Hēwandamau hichdēu hōor higbarmta hiigjem ha k'ap hamk'īir.

¹⁴ Mag Hēwandamau chi naam dāi magbanaa chi heeum dāita magtarr haawai, ¿maadēu “Hēwandamau sīi parhoobata nem wau sīerrΛM” haju haai nΛ? Pöd mag hiek'aju k'aba nΛM.

¹⁵ Biek hāb hich Hēwandamau Moiseeg magjim: “Mua chan sīi hōrau k'īirjuajemjō k'īirjuba, mΛch k'īirjugpierrta nem wau chitΛM” hajim. “Muan mΛchdēu hōor dau haug k'augam k'ōsim k'ΛΛnta heeg hoo chitΛM” hajim. ¹⁶ Hichdēucha mag sīewai sīi hōrau hamachdēu nem wau nΛM gaaimua wa hamachdēu waupim k'ōsi nΛMjō k'aba, Hēwandamau hichdēu heeg hoom k'ōsi hoo sim gaaimuata ham dāi mag hāu haajem. ¹⁷ Hichdēu mag nem waaujem higwia hīchab hich hiek p'ā sim gaai Egipto durram rey higwia magjim: “PΛch t'āar t'eegau mΛ hichaaur chirΛM gaaimua, pΛrΛg mΛch jua t'eeg hoopinaa mΛg durr gayam k'ΛΛnagjā mΛch jua t'eeg k'ak'apdō hamk'īirta pΛ mua reik'api chirΛM” hajim. ¹⁸ Wajapcharan Hēwandamau mΛgta sim: Hichdēu dau haug k'aug paraa ham k'ōsim k'ΛΛnta dau haug k'aaugjem; pari hich hagjō hīchab hichdēu t'āar t'eeg hapiju k'ΛΛnan warag t'āar t'eegta hapiejem.

¹⁹ Pari mua mag chirΛM hūrwia hābmua k'āijā, “MamΛ hichdēu mag simta, jāgwi hirua hōor k'aibag hee pāibarju mag hich hiek hūrba harr paar. ¿Hichiita hamau hichdēu k'ōsi simjō wau nΛM k'abá?” haju. ²⁰ Pari mag hawiajā, ¿hichiita hich mag hōbēr sīebá? Maach k'ai hagá sīi Hēwandam maachjōm k'ΛΛnjō hi jawaag. ¿Maach sīi hichdēu hompaatarr k'ΛΛn k'abá? ¿Pārau hoowai t'ūriu

hich k'atarrag, “K'ant'ee pua m_Λ jãg k'ap'ijĩ” haju haai sĩ? ²¹ Chi t'ũr k'amieuta hichdëu k'am haig k'aju haai sim hich jëbëu. Sĩi t'ũrjöm parhooba jua chogaagpai k'anaa hãbam jëb dënpi sĩi t'ëpjöm k'ãijã hooim_Λ k'amaajem hagjö, sĩi hõor di chaauram k'ΛΛn bëewaipai hag hee hau k'oog. Hich hagjöta n_Λm maachjã: Hëwandamau maach d_Λi hichdëu ham haig haju haai sim.

²² Mag siewai hichdëu k'ösi simjö warre hõor k'aibag hee p_Λik'iinjã, k'aíu hi hichaur habarju. Pari magba hich jua t'eeg hoopieg hõor hamach pekau gaaimua sĩi k'aibag hee p_Λiju haai sïerrta, hich k'ĩr machag hãwat wai sïejem. ²³⁻²⁴ Hich hagjö hĩchab hich wajaug hoopieg maach chi t'ãrk'a hautarr k'ΛΛnjã k'aibag hee p_Λiba sĩi heeg hoowai, k'aíu hi hichaur habarju. Hichiita hich haar hawaag hichdëu t'ãrk'a haum haig t'ãrk'a hauju haai sim, judionaan wa judionaan k'abam k'ΛΛn hawiajã. ²⁵ Magua, mag judionaan k'abam k'ΛΛnpa t'ãrk'a hauju higwi, hich Hëwandamau Oseas k'ararrag hësap p'ãpitarr gaai jaauwai:

“Warr m_Λ hõor k'aba harr k'ΛΛnjã m_Λch hõork'a haumaju;

maimua m_Λchdëu daupii k'aba harr k'ΛΛnjã hĩchab daupii haju” hajim Hëwandamau. (*Os. 2:23*)

²⁶ Maimua hĩchab hich Oseas hësap p'ãtarr gaaipai hagjö hich Hëwandamau judionaan k'abam k'ΛΛnag, “Pãar chan m_Λ p'öbör k'abam” hatarrta, deeu hüwaai naspawi hichdëupai hamag, “Pãarjã hĩchab hich mag hiiu sïerr_Λm hag Hëwandam chaaink'a n_Λisiju” hajim. (*Os. 1:10*)

²⁷ Pari jũrr Judionaan higwia, jöoi Isaías k'ararrau magjim:

“Jöoi Jacob chaain hewagam k'ΛΛη k'apan sīi p'ũas higaaum mosdau k'apanagjö t'Λnaawiajä, t'um chan peerdΛtk'aba, hãaurpaita peerdΛtk'aju” hajim,

28 “mΛigmua hatag maach Pör Hẽwandamau mΛg durr hi hagk'am hed tag hich k'ĩir machag hãwatba warre ham gaai jua k'Λabata deejü haawai.” (Is. 10:22-23)

29 Hẽwandamau mag hãaur k'ΛΛηjä dau haug k'augba hak'iin, hãbjã peerdΛbaju. Magju higwia hĩchab nawe hich Isaiás k'ararrau mΛg p'ãjim:

“Maach Pör chi jua t'ierriu maach dau haug k'augwi maach jöoin dẽn chaain hewagam k'ΛΛηjä chuk'u hapitarr hamuan,

hĩsin maachin Sodomapien Gomorrapien dãi har-rjõta ya chuk'u haajeek'am” hajim. (Is. 1:9)

Judionaanaujã hĩchab maach peerdΛajem hiek hãk'aju haai nΛm

30 Hẽwandamau hich hiek gaai mag jaau sĩsidΛm hũrwia maadẽu k'an habarjuma. Judionaan k'abam k'ΛΛηnou chan nem wajap'a wau nΛm gaaimua hamach peerdΛjujã hẽk'aba naajim; mamΛ Jesucristo hamach kõitpa meetarr hãk'a nΛm gaaimua Hẽwandamau hĩchab hamjä pekau chuk'u harr k'ΛΛηjö hapãijim. 31 MamΛ jũrr

judionaanau magba, mag ley gaai jaau sim hipierraa nΛm paarta Hẽwandamau hamach k'aibag chuk'u harrjõ hapãijupii hawi, hãba mag leita hΛΛrk'aju hẽk'aajeejim. Pari par mag hΛΛrk'a hauju hẽk'aajerrjã pöd hΛΛrk'a hauba harr gaaimua, Hẽwandamau ham pekau chuk'u

harrjō wajaug paap̄ibajim. ³² ¿K'an jāgwi? Mag ley gaaipai naam k'ōchgau Cristo hamach kōit meetarrjā higba, sīi nem wajak'a wau nam paarta Hēwandamau hamach pekau chuk'u harrjō hap̄lijupii hawiama. Hamachdēu Cristo higba narr gaaimuata sīi k'adjā hee mokpōr pōm sim dāita t'ēubaimanjō hajierram. ³³ Hōrau Cristo dāi magju higwia, Hēwandamau hich hiek gaai jaauwai,

“Mua woun hāb p̄ai chiram” ha sim “Jerusalén p'ōbōr hee.

Har hi higba habarm k'alan hat'een, maan sīi warag hag gaaimua hōor bāhēu suwi burrmk'īir k'adjā hee mok jiiir simjōta haju, chadcha hamau hi hoowai machdēu p̄itarrjā hāk'aba hi higbaju haawai.

Mamā hāu hi hisegba warag hi hau nam k'alan chan naspawiajā hūwaa hamach daujā merag p'ēbaju, wajak'ata hi dāi nāisiju haawai” ha sim, hich Hēwandamaucha, Cristo higwia. *(Is. 28:16)*

10

¹ Cristo gaaimua k'odamnaam, muan mach meeun judionaan peerdapim k'ōsita chiraajem. Magua Hēwandamag jēuwaijā magta hirig jēujem ham kōit, hamjā peerdtk'amk'īir. ² Mā ham higar chiram, chadcha hamau Hēwandamag hamach heeg hoomk'īir hi hipierraa ham k'ōsi naawai. Pari mag namta hich Hēwandamau nem waupim k'ōsi sim chaarta jūrr bigaau hausū nam, ³ Cristo maach t'umaam k'alan kōit meetarr gaaimuata Hēwandamag hamach pekau chugpaapijūjā

k'ĩirjuba. Hamaun s̄i hamachdēu hamach jōoin hi h_{ΛΛ}rk'anaa Moiseeu ley p'ã p_Λarrjã wajaap'a h_{ΛΛ}rk'a n_Λm paarta Hēwandamag pekau chuk'u narrjō hamach wajaug paapiju hēk'aajem. ⁴ Pari hāba Cristo maach kōit meetarr hiek h_Λk'a n_Λm gaaimuapaita Hēwandamau mag pekau chuk'u harrjō hapāajem. Magua, Cristo gaaimua k'aba s̄i ley h_{ΛΛ}rk'a n_Λmua chan peerd_Λju hēk'aju k'aba n_Λm.

⁵ Mag ley h_{ΛΛ}rk'a n_Λm gaaimua hōor peerd_Λju hak'iinjã, pādē Moiseeu p'ã p_Λarr hiek hūrbat: “Har chi ley gaai jaau simjō t'umaa wajaap'a h_{ΛΛ}rk'a hau simta Hēwandamau peerd_Λ hauju” ha sim. Pari maach pekaupanau, k'aíu mag h_{ΛΛ}rk'a hat'aju. ⁶ Mam_Λ mag k'āai jūrr s̄i Cristo maach pekau kōit meetarr h_Λk'a n_Λm gaaimua peerd_Λju higwia, hatcha p'it'uurga sim haju k'aba n_Λm. Moisés hiek'ōoin “H_Λgt'ar hi haarcha mawia hirig dich peerd_Λ hawaan bēepiju k'aba n_Λm.” ¿Jāgwi? Ya hí bēewi maach peerd_Λ hawaag maach kōit meetarr haawaima. ⁷ Hich hagjō hīchab mag_Λm higwia jaauwai, “Hōor k'ēchtarr k'_{ΛΛ}n haarjã maju k'aba n_Λm” ha sim, “dich peerd_Λ haumk'ĩir.” ¿Jāgwi? Ya hí hiiu p'iid_Λwi mam k'aba s̄ewaima. ⁸ Magua, m_Λchdēu jaau chir_Λmjō, p'it'urjã k'aba ni warpjã maba, s̄i Cristo maach kōit meetarrta chadcha h_Λk'anaa hirigta dich peerd_Λpiju haai n_Λm. ⁹ Wajaapcharan pua t'āraucha h_Λk'anaa p_Λch hidamaucha, “Jesucristo chi meem harrta Hēwandamau deeu p'iriu hautarr haawai hichta m_Λch Pōrk'apiju” ham_Λn, p_Λ peerd_Λju chadcha. ¹⁰ ¿Jāgwi magju haai s̄i? T'ārau h_Λk'a n_Λmuapaita Hēwandamau maach pekau chuk'u harrjō wajaug

paapääijeewaima; maimua hich hagjö dich hi-
iucha dich t'ãar hee hãk'atarr warm k'ΛΛnag jaau
nΛmuapaita hãu hichdëu maach peerdΛ haaujee-
waima.

¹¹ Hëwandam hiek p'ã sim gaai jaauwai, “Chad-
cha maach Pöröu hamach peerdΛ hauju k'ap'Λ hi
hiek hãk'a nΛm k'ΛΛn chan naspawiajã hamach
daujã merag p'ëbaju” ha sim, “hich mag wajak'ata
hi dãi wënarraju haawai.” ¹² Mag sim haiguin
judionaan wa judionaan k'aba hawiajã hïsin t'um
hãbata t'ΛnΛm Hëwandam dau na; hich hãbam
Jesupaita t'umaam k'ΛΛn Pörk'a sim. Magua,
har t'um hichig jëeu nΛm k'ΛΛn dãin Jöoi wa-
jaug k'itΛm. ¹³ Jöoi mag k'itΛm higwia Hëwandam
hiek p'ã sim gaai, “Har t'um chi maach Pörögta
hamach dau haug k'augpi jëeu nΛm k'ΛΛnan,
hãu peerdΛtk'ajugui” ha sim. ¹⁴ Pari mag pãach
peerdΛmk'ïir hirig jëwaagan, hichiita nacha pãrau
hi hiek hãk'aju haai nΛm; mag hãk'aagjã hichiita
pãrau hi hiek jaau nΛm hürju haai nΛm; mamΛ mag
hi hiek hūraagjã chi jaaujem k'ΛΛnjã paraa haju
haai nΛm, hōrag jawaag. ¹⁵ Pari jãga mag chi jaau-
jem k'ΛΛnjã paraa haju, chi ya hãk'a nΛm k'ΛΛnau
ham pãibam. Pari judionaanau ya chadcha Jesús
hiek jaau nΛm hürwi naawai, k'an hacha tag hürm
k'ōsi nΛ hãk'aag. Hëwandamau nawe hich hiek
jaupiejem k'ap hich hiek p'ã sim gaai jaauwai,
“Jãg hōor peerdΛajem hiek jaau wënarraΛm k'ΛΛnta
hãucha k'it'ëem” ha sim.

¹⁶ Pari judionaanau mag maach peerdΛajem
hiek hür nΛmjã, peer t'umaam k'ΛΛnauta hi hiek
hasekasba, hãaur k'ΛΛnaupaita hãu hãk'a durrum,
Isaías k'ararrau, “Señor, par mua pΛ hiek jaau

wai jēedΛ k'itΛmjā, k'aíu hĕk'a sī” ha hiek'atarrjō.
 17 Pari mag hamau wajap hĕk'abajieb mamΛ,
 mΛchdēu jaau chirΛmjō, hichiita hābmua Cristoou
 maach peerdΛajem hiek jaauju haai sim; mag-
 baawain chadau mag hiek hūrwiata hĕk'aju haai
 nΛm.

18 Pari hābmua k'āijā, “Magan judionaanau
 ya Cristo hiek hūrwi naab” haju. Hūrwi
 naama hamaujā hīchab, durr t'um judionaan
 nΛnΛidΛmpierr ya Hēwandamau maach
 peerdΛajem hiek jaau nΛm hūrwi naawai. Magju
 higwi Hēwandam hiek p'ā sim gaai jaauwai,
 “Ham hiek durrpierr durr warp'am magwe
 hūrjem” ha sim. *(Sal. 19:4)*

19 Pari deeu hūwaai pΛaba hābmua k'āijā, “¿Magan
 jāgwi judionaanau hĕk'abajierrá? Wa sīita
 hamachdēu hūrtarrjā k'augpΛibajierráwa” haju.
 Hāhā, pari mag k'augba haawai k'aba, sīi
 hi higmap'a harr haawaita hi k'augbamjō
 hapΛijierram. Pari mag hich hisegbaawai jūr
 judionaan k'abam k'ΛΛnta dau haug k'augwia hĕu
 hamach peerdΛujā hamag k'ap'Λ hapijim hich
 Hēwandamau. Magju higwi Moiseeg mΛg jaupijim
 hichdēu:

“Pārag hĕk'apiju k'āai pāarjō Hebreonaan k'aba
 haawai sīi mΛch k'augba nΛrrjēem k'ΛΛnagta
 hĕrcha hĕk'apiju, mag hoowi pāachdēujā
 hagjō hĕk'am k'ōsi hĕk'amk'īir.

Hag na mag mΛch k'ōsi hajujā k'īirjuba haajerr
 k'ΛΛnagta hĕrcha hĕk'apiju, mag hoowi pāar
 hiekk'ōr waumk'īir.” *(Dt. 32:21)*

20 Maimua hag k'ur hewag pawī Isaiagjā hīchab
 Hēwandamau judionaan k'abam k'ΛΛn higwi mΛg

hiek'apijim:

“Har b̄l̄arjã m̄l̄ hooju k'ĩirjuba haajerr k'ʌʌnau m̄l̄
baauju;

maimua har b̄l̄arjã m̄l̄ʌʌg j̄eujã j̄euba haajerr
k'ʌʌnag m̄l̄ch k'augpiju” hajim hich
Hẽwandamau. (Is. 65:1)

²¹ Mam̄l̄ jũrr judionaan higwia hich Hẽwandamau
magjim hĩchab:

“Chadcha hamach t'ãar t'eegau m̄l̄ hipierraaã
k'aba naab mam̄l̄,
nem hĩs k'abam m̄l̄ch higamk'ĩir ham n̄l̄ chirʌm”
hajim. (Is. 65:2)

11

*Judionaanta Hẽwandamau hich hõork'a hawaag
jar hautarr*

¹ ¿Pãrau k'ĩirjuawai, Hẽwandamau hich hõor hiseg
wai simjõ sĩ? Mag k'abam. Mag hak'iin m̄l̄jã hirua
nawe hisegp̄lik'am, m̄l̄chjã hĩchab judionaan d̄i
t'ãr hãba chiraawai. M̄ʌʌn maach jõoin Abrán
k'ararr hag chaain hewagam k'ʌʌn Benjamín haa-
jerr hag chaain d̄en̄eũ. ² Hẽwandamau warrgarwe
hichd̄eũ hõor jar hautarr k'ʌʌn chan hisegba
sim. ¿Pãrau k'ĩir heyaa k'aba n̄l̄, warr jõoingar
Hẽwandam hi jaaujem k'ʌʌn p̄m̄ k'ẽchtarr jaar jõoi
Eliaau Hẽwandamag j̄eumamua ya hi hich happaita
chirʌm ha hiek'atarr? ³ Hirua Hẽwandamag,
“Señor, p̄l̄ hi jaaujem k'ʌʌn t'umaa wir haig maach
meeun judionaanaupai k'ẽchp̄liwia,
p̄ʌʌg j̄eujem deg nem hinag p'aajemjã
hãrk'ʌʌip̄liwi,
hãba m̄l̄ch happaita chirʌmguĩ” hajim.

“Mag m_Λch happai chir_Λm hãba, m_Λjã dãi t'õop_Λim
hig n_Λmgui” hajim. (1 R. 19:10,14)

⁴ ¶Pari pãrau hagiö k'augba n_Λ, Hẽwandamau hirig,
“Elías, p_Λ p_Λch happai k'aba sim;

p_Λ dẽnjö m_Λ k'õsi n_Λm hiek'au bã_Λrjã Baalag jẽeuba
harr k'_ΛΛn siete mil p'ẽ wai chir_Λm” ha
hiek'atarr? (1 R. 19:18)

⁵ Maagwai hich Hẽwandamau Eliaag magtarrjö,
hĩs hewag pawiajã hĩchab hagt'a mag warrgarwe
hi hõork'a t'_Λn_Λm k'_ΛΛnan hagt'a t'_Λn_Λm. Pari
mag t'_Λn_Λm_Λn, hich Hẽwandamjã hõor dãi wa-
jap'a k'itaawai hãu hich garmuata maach dau
haug k'augwi mag hich hõork'a hawaag j_Λr hau-
tarr gaaimuata mag t'_Λn_Λm. ⁶ Mag hõor dãi wa-
jaug k'itaawai hich garmuata maach j_Λr hautarr
haawai, pöd hi dau na wajak'a naawaita hirua
maach j_Λr haujim hajujã k'aba n_Λm. Mag hak'iin,
mag dich wajaug n_Λm paarta p'ag n_Λmjö haawai,
ya hich Hẽwandamau hich garmuata maach dau
haug k'augjim habak'am, hich hõor k'amk'ĩir.

⁷ Wajakcharan magta sim: Judionaan
t'um chan Hẽwandamau wajaug paap_Λibajim,
hamachdẽu nem wau n_Λm paarta hirig hamach
hajaug paapim k'õsi narr haawai. Hãaur
k'_ΛΛn Hẽwandamau hich garmua j_Λr hautarr
k'_ΛΛnpaita chadcha pekau chuk'u haajerrjö
wajaug paap_Λijim; pari tagam k'_ΛΛn hichdẽu
j_Λr hauba harr k'_ΛΛnan hichdẽuta warag ham t'ãar
t'eeg hapijim. ⁸ Har hagt'a mag t'_Λn_Λm k'_ΛΛn higwi
hich Hẽwandamau hich hiek gaai jaauwai,
“Mua ham dau k'ĩpinaa kachpa k'ĩpi hauju” ha sim,
“hoo n_Λmta hoobamjö hamk'ĩir, maimua hũr
n_Λmta hũrbamjö hamk'ĩir.

Magtarr haawaita hīs hewag pawiajā hich
hagt'ata sīsidam ha sim Hēwandamau, hichig
hamach wajaug paapijūjā k'īirjuba.” (Dt.
29:4; Is. 29:10)

⁹ Maimua hīchab Hēwandam hoomap'am k'ΛΛnag
mag k'īirjupimaugau, jōoi David k'ararraujā hirig
jēeumamua magjim:

“Hēwandam, har riknaan pΛch hoomap'am k'ΛΛnag
hidēu hamach p'iesta hat'ee t'ach pōm
wauwi k'ōpibá,

juau hogt'om pΛch dau na wajap'a naawaita mag
p'iesta k'amk'īirjā pua hamachig nem t'um
dee chirΛm hamk'īir.

Pari hamachdēupain mag nΛm gaaimua pΛ dāi wa-
jap'a nΛm hanΛm hee, pΛchdēupai ham gaai
mas deebá.

¹⁰ Dau p'uu nΛmta warag ham dau k'īsumjō hapibá,
hamach k'aigba nΛmjā k'augba hamk'īir.

Mag nΛm dāi hīchab nem chΛk'Λmta wai
wēnΛrrΛmjō, hidēu ham hich mag p'it'urg
hau wēnΛrrapibá” hajim Daviui, Hēwandam
hoomap'am k'ΛΛn higwia. (Sal. 69:22-23)

*Judionaan k'abam k'ΛΛnjā hāu peerdtk'aju haai
nΛm*

¹¹ Magan jāgáwa. “Judionaanau mag Cristo
higba harr gaaimua, magan warreta Hēwandamau
ham hisegbapāib?” k'āijā haju hābmua. Pari
mag k'abajim. Magju k'āai hante mag maach
meeunau Hēwandam hichaur hawi Cristo higba
harr gaaimua, jūrr judionaan k'abam k'ΛΛnta hāu
Hēwandamau peerdtk'a haumam, mag judionaan
k'abam k'ΛΛnauta hāk'a p'ōbaadēm hoowia judion-
aan hiekk'ōr wauwi hagjō hāk'amk'īir. ¹² Magua

k'ap'Λ habat: Mag judionaanau Cristo higba harr gaaimua jürr judionaan k'abam k'ΛΛn dλita Hēwandamau dλrrcha hλu haajem k'ai, magan judionaan t'umaam k'ΛΛnau Hēwandam hiek hλk'a p'ōbaadeewai chará, hagjö Hēwandamaujā hīchab hλuchata haju ham dλijā.

¹³ Judionaan k'abam k'ΛΛn, mua pārag magk'im hīchab: MΛΛn chadcha hich Hēwandamauta jΛr haujim, pāar hee hich hiek jaaumk'īir. Magua, mΛch meeun dλi hiyΛΛ haawai maata muan hamag jajaau haajem, ¹⁴ mag hūrbaawai hiekk'ōr wauwi hagjö pāar dēnjö hλk'abaawai hīchab hāaur k'ΛΛn k'āijā Hēwandamau peerdΛ haumamk'īir. ¹⁵ Hēwandamau mag judionaanag hooba sīutarr gaaimua pāar judionaan k'abam k'ΛΛnagta jürr hich dλi k'ōinaa wēnΛrramk'īir hich hiek hλk'api simΛn, chadcha wajaug sim. Pari mΛg hatag hichdēu judionaanagpa hλk'apibarm hedta wajaug haju. Magbarm haigta mag hi higba narr gaaimua k'ēch nΛmjö narrjā deeu p'iidΛtk'abarmjö nΛisiju. ¹⁶ Pārau k'ap'Λ nΛm, pabλjā jēb hōtag hee simΛn, t'um chi piu nenergjä hē hōtt'o t'Λnaaju. Mag sim haig hich jöoi Abranta chi pabλjö sēbahab, maagwai judionaan chi piu nenergjöta t'ΛnΛm. Magua, hich jāg warrgar maach jöoin Abrán k'ararrjā hich Hēwandamaucha jΛr hautarrjö, hīs hewagam judionaanjä hichiita Hēwandam hōork'a wēnΛrraju, hamjä mag jöoi chaain haawai.

¹⁷ Pari judionaan mag olivo chaar gaaim chi piu nenergk'a narrta, hamachdēu hλk'aba harr gaaimua sīi chi piu k'ōgk'atarrjö naabahab. Maagwai pāar chi judionaan k'abam k'ΛΛn hλu hλk'a

wētum k'Λanta, pāachdēu hĕk'a nΛm gaaimua mag k'ōgk'atarr gaai olivo wēeta t'aap'ē jīirtarrjō naabahab. Mag deelum pa gaaita sūr'k'a hōbēr nΛmjō nΛm gaaimua, hich Jōoirau Abranag nem deejū jaau-tarrjō, pāraujā hĕu hīchab hi jua heem nemdam hauba haajeeb. ¹⁸ Pari Hēwandamau judionaan hisegwia mag olivo piū k'ōgk'atarrjō nΛm daar, pāachdēuta hĕu hĕk'a nΛm hawia hoob jūr ham k'a hisēe hamiet. ¿Pārau k'ap'Λ naabá, pabĕjā chi piúata wai dΛnaaba chi k'arauta wai dΛnaajem? Hich hagjōta naabahab pāarjā, judionaan chi k'aark'a nΛm gaaimuata sī pāarjā sūr'k'a nΛmjō naawai. Magua judionaan chuk'umuan, pārau pōd Hēwandam k'augbak'am.

¹⁹ Pari magbaa hābmua k'āijā, “Hāa, pari mag chi piū k'ōgk'atarr jūr mΛchta chi nemjīr chaar k'āijā wajapcha chiraawai, ¿mΛta hag gaai sūr'kamk'īr k'abajī?” k'āijā haju. ²⁰ MamΛ pāadē k'īrjubat: Hēwandamau ham dĕi chadcha mag papiū k'ōgk'abapĕimjō hajim, hich hiek hĕk'aba harr kōit. Pari pāar chan chi k'aar chaar k'abam; pāran sī ham k'āai hĕk'atarr gaaimuapaita mag sūr'k'a t'ΛnΛmjō nΛm. Mag naawai hoob pāach t'ōmiet. Magju k'āai hiek'aawaijā hagierraata hiek'abat. ²¹ Pāadē wajap'a k'īrjubat: Hēwandamau hamta hich garmua jΛr hautarr k'ΛΛn haawai hamachta chi pabĕ chaark'a narrjā mag hich hisegbaawai ham gaai sī par daúa hooba harr k'ai, magan pāar gaai chará ham dēnjō hĕk'abamΛn hirua jua k'Λabacha haju, sī ham gaaimuata sūr'k'a nΛmjō naawai. ²² Pāadē mΛ hiek hūrbat, pārag jaauk'im: Hēwandaman chadcha wajaug k'itΛm hōor dĕi; pari hīchab hōrau hich higba haawain,

ham d̄i k'īir masi s̄ierrΛm. Magua mag judionaan hich hiek h̄k'aba harr k'ΛΛn d̄ijā s̄i ham gaai par daúa hoobajim. Pari p̄arau h̄k'atarr haawai hich garmuajā p̄ar d̄i nem wajaug sim. Pari mag wajaug sim k'ap'Λ hab mamΛ, hichiita hirua k'ōsi simjōta haju haai nΛm; magbamΛn p̄aran warm k'ΛΛnjō hirua hisegju. ²³ Pari chadcha Hēwandamau mag ham hisegtarrjā hamau deeu h̄k'ab k'aba h̄k'ak'iin, Hēwandamau deeu ham higju. Magbaawai deeu hich hōork'a hat'aawai hūwaai chi papiu k'ōgk'atarrta sūr'k'api hat'amjō haju, mag hat'eejā hi jua t'eeg s̄iewai. ²⁴ P̄adē k'īirjubat: judionaan olivo chaar piu nenergjōta nΛm, Hēwandam hōor haawai; pari p̄ar judionaan k'abam k'ΛΛnan s̄i olivo chi wē piujōta nΛm. MamΛ mag nΛmta p̄achdēu h̄k'atarr gaaimua jūr olivo chaar b̄Λta t'aap'ēnaa hag hee sūr'k'api hat'amjō hajim, hīchab hich hōork'a hawaag. P̄ar d̄i magju haai k'aba narrta Hēwandamau magtarr k'ai, judionaan chará, hamachta mag olivo chaar piu nenergk'a nΛmjō naawai, Hēwandamau deeu sūr'k'aímΛ sūr'k'api hauju, hamach k'ōgk'atarr p̄or gaaipei.

Hēwandamau t'um hagdaujō hōor dau haug k'aaugjem

²⁵ Cristo gaaimua k'odamnaan, p̄achta t'ōnaa p̄achdēuta judionaan k'āijā k'apcha nΛm ham hugua, warrgar k'augba haajerr hiekta p̄rag k'ap hapim k'ōsi chirΛm. Hiin chadcha judionaan t'um k'abam mamΛ Hēwandam hiek h̄k'amaugau t'āar t'eega t'ΛnΛm k'ΛΛnta h̄rpai t'ΛnΛm. MamΛ hamau jāg h̄k'aba nΛmΛn, jāan judionaan k'abam k'ΛΛn

warrgarwe hich Hēwandamau jaŕ hautarr k'ʌʌnau t'umaa hʌk'a nʌm horapaita jǎg t'ʌnʌm. ²⁶ Mag hich Hēwandamau jaŕ hautarr k'ʌʌnau t'um hʌk'a p'ōbaadeewaita maar meeun chi judionaanjǎ dʌi hagjō hʌk'a p'ōbaadēwi peerdʌtk'aju. Maar meeunau mag hʌk'aju higwia, jōoi Isaiaau Hēwandam hiek p'ǎ sim gaai jaauwai, “Jerusalén p'ōbör heemuata woun hōbērju” ha sim, “maach peerdʌ hauju.

Maguata hewag pawijǎ maach chi Jacob chaaink'a nʌm k'ʌʌn maach pekau heemua maach peerdʌ hauju” ha sim. *(Is. 59:20)*

²⁷ Maimua hagjō hich Hēwandamau jōoi Jeremiegjǎ, “Mʌchdēu hag nawe ham jōoin dʌi hiek'atarrjō mʌchdēuta ham pekau chugpaapʌiju” ha jim, maar chi judionaan higwia. *(Jr. 31:33-34)*

²⁸ Hīsin maar meeun judionaan pōm sīi hamach garmuata Hēwandam dʌi hiekk'ōr hau t'ʌnʌm, maach peerdʌajem hiek hamachdēu hiseg nʌm gaaimua. Pari hamau mag nʌm haig, jūrr pǎar hat'een wajaugta sim, mag hamau hiseg wai nʌm gaaimuata hʌu pǎrau hʌk'a naawai. Pari hamau mag hich hiseg nʌm hāba, Hēwandamau ham k'ōsinaa hagt'a hich hōork'a hauju k'īirju sim, hich garmuata ham jōoinjǎ jaŕ hautarr haawai. ²⁹ Wajapcharan Hēwandamau hichdēu nem deebarm chan tag k'echeu hauba, ni hich hiek'atarrjǎ deeu naspawi hichaaupapa haba sīerrʌm. ³⁰ Warrgarin chadcha pǎrau Hēwandamau jaau sim hichaaurta nem wau wēnʌrrajim. Pari hīs jūrr judionaan warrgar pǎar t'ʌnarrjō Hēwandam hichaaur t'ʌnaawai jūrr

hīs Hēwandamau hūu pāarta dau haug k'aug sim.

³¹ Pari mag hīs hamau Hēwandam hichaaur nem wau n_{AM} hāba, hichiita m_{AG} hatag Hēwandamau pāar dau haug k'aug n_{AM} hoowia hamachdēujā deeu hāk'am k'ōsi haju. Mag hamaujā pāar dēnjō hāk'abarm hedan chadau Hēwandamau hamjā dau haug k'augab k'aba dau haug k'augju.

³² Wajapcharan t'umaam k'_Λanta Hēwandam hichaaur nem wau wēn_{ARRAM} gaaimea, ni hābjā hi dau na wajap'a sim haju k'abam; ni hābmuajā wir haigpai jāga hich wajaug paapāijujā k'augba sim. Pari Hēwandamau t'umaam k'_Λanta mag wai sim_{AN}, judionaan wa judionaan k'aba hawiajā, hich garmuata t'um hagdaujō hōor dau haug k'augaagta mag wai sim.

³³ Hēwandamta chadcha hōor dau haug k'augaag t'umaam k'_Λan dāi wajap'a k'it_{AM}. Maach k'īirjug chan hi k'īirjug dāi barbam. Hichdēuta hōor peerd_Λ hawaag hag nawe wauujā t'um k'ap'_Λ hajim. Hirua hōor dāi nem wauju k'īirju wai sim chan pōd hābmuajā jaau hauba, ni hirua nem wau simjā k'augba haajem, jāgwi jāg waumaajē. Mag hābmuajā hi k'īirjug dāi barbaju higwia, Hēwandam hiek p'ā sim gaai jaauwai,

³⁴ “K'aíu m_{AG} n_{AM} haig maach Pör hāgt'ar chiraa-jem k'īirjug k'ap'_Λ sī” ha sim.

“K'aíu hirig wawí hiek'amaju haai sī, hichdēuta k'apcha sim hawí” ha p'ā sim. (*Job 15:8; Is. 40:13*)

Maimua,

³⁵ “K'aíu hārcha hirig nem deewi sī, jūr_R hag paar hajués hirig nem jēwaag” ha p'ā sim hagjō. (*Job 41:11*)

36 Nem t'ʌnʌmʌn t'um hich dēnēu, hichdēuta t'um hompaatarr haawai. Hīchab nem t'ʌnʌmʌn hi gaaimuata t'ʌnʌm, hichdēuta t'um wai dʌnaawai. T'umaam k'ʌʌnag hich t'ö hiek'amk'īirta magʌm nem t'um hompaatarr haawai hichta mʌg hatag pawiajā hich mag t'umaam k'ʌʌn k'āai hārpai sīerrʌm hiek'au.

12

Jāga Hēwandam hat'eepaita wēnʌrraju haai nʌ

1 Cristo gaaimua k'odamnaana: Maguata hich jāg Hēwandamau maach dau haug k'aug paraa k'itʌmjö, muan pāragan pāach cha maach hiyʌʌ nʌmchata hidēu Hēwandamag hich dēnk'api hat'at ha chirʌm, hāba hi hat'eepai hichdēu k'ōsimjö wajap'a nem wau wēnʌrraag. Magnaata hirig jēeu wēnʌrraju haai nʌm. 2 Hoob sīi parhoobam k'ʌʌnau jāga wēnʌrraju haai nʌ ha jaaujemjö hamiet. Magju k'āai hidēu Hēwandamagta hichdēu k'ōsi simjö pāach k'īirjug wajaug paapibat, hichdēu pāachig nem waupi jaau simta k'ap haag: wajapcharan mag k'ai magan k'ani hi dau na wajapcha sī ha k'ap'ʌ nʌm dʌi k'ani hirua k'ōsi sī ha k'ap'ʌnaa hīchab jāgata nem hagcha wau wēnʌrraju ha k'ap haagma.

3 Keena, Hēwandamauta mʌrʌg Cristo hiek jaaujem k'apitarr haawai pārag magk'im: Hoob pāachta pāach k'apeen k'āaijā wajaug hachta nʌm ha k'īirjumiet. Mag k'āai hāba Hēwandamau k'īirjug dee simpierrpaita hi hat'ee nemdam wauju haai nʌm k'ap, dich higju hawiajā nem hagchata jaubat. 4 Maach mor gayan chadcha nem k'īir k'apan k'īir pogk'e t'ʌnʌm. Mag t'ʌnaawai nem k'īir

pogk'eta waaujem. ⁵ Maach hich Cristo hiek häk'a n_{AM} k'_{ΛΛ}njã hich hagjöta t'_{ΛNΛM} hīchab, k'apan. Mam_Λ mag k'apan t'_{ΛNΛM} k'_{ΛΛ}nauta jürr Cristo mor häbpai hompaa hau n_{AM}mjö n_{AM}. Mag k'apan t'_{ΛNΛM}ta mag hi hiek häk'a n_{AM} gaaimua jürr chik'am gaai sōpigk'a t'_{ΛNΛM}mjö n_{AM}. Mag naawai jürr hagdaujö chik'am hiigjem.

⁶ Mag k'apanaam k'_{ΛΛ}r haawai maachdëu häk'atarr hiek gaaita hub_Λ paauk'amamk'īir Hēwandamau maachig hich jua t'eeg deejem, hichdëu k'ōchagpierr hagjö k'īir pogk'e nem waumk'īir. Magua, hirua maachig hich hiekta jürr deelum k'_{ΛΛ}nag jaaumk'īir hich jua t'eeg dee sim k'ai, magan mag jua t'eegau maachig k'īirjugdam barpibarmpierr hi hiek jaaju haai n_{AM}. ⁷ Wa sīi dich k'apeen juag hoomk'īir k'āijã hich jua t'eeg deetarr wai sim k'ai, magan ham juag hoom k'ōsi hoobá. Sīi chik'amnag hich hiek jaaumk'īir maestro k'āijã k'api sim k'ai, hi hiek jaau n_{AM} gaaipai sīsí. ⁸ Hōor wawiejem k'īirjug k'āijã p_Λchig deetarr p_Λch gaai wai sim k'ai, magan warag hōorta wawinaa. P'atk'on hat'ee k'āijã h_Λu Hēwandamau p_Λch heeg hoowi sim k'ai, jürr hōordam k'īir jāsenk'awi hamagjã deem k'ōsi deebá. Chi häk'a durrum k'_{ΛΛ}n hee chi pörk'amk'īir k'āijã hich jua t'eeg deetarr k'ai, magan wajak'ata hi p'idag waubá. Chik'am dau haug k'aug n_{AM} k'_{ΛΛ}njã, pāachdëu hōor dau haug k'aaugwai honee habat.

Jãga haju haai n_Λ maach chi Cristo hiek häk'a n_{AM} k'_{ΛΛ}nau

⁹ Chadchata pāach k'apeen k'a k'ōsi habat, sīi ham k'īirpai k'aba. Nem k'aigbam hisegnaa nem

wajap'am wau nΛm gaaipaita nΛisit. ¹⁰ K'od hābam k'ΛΛnjö hagdaujöta pāach k'apeen k'a k'ōsinaa, dich garmuata hārcha ham k'īrag heenaa hagdaujö chik'am respetaabat, hamta dich k'āai hārpai nΛm k'ΛΛnjö.

¹¹ Maach Pör Jesucristo hat'ee p'idk'aawai hoob k'usëuk'a p'idk'amiet. Magju k'āai k'īr p'ip'iragta habat.

¹² Hēwandamau mΛg hatag maach hich haarcha p'ë hauju k'ap'Λ naawai warag honee naat. Cristo gaaimua pāach dau haug wauju k'ap'Λ nΛmjā warag k'up'īita haudΛdΛt habat. Mag nΛm dāi Hēwandamag jēeu nΛm chan hoob k'īr hok'oo jēeba hamiet.

¹³ MΛg Hēwandam hiek hāk'a durrum gaaimua hi hōork'a t'ΛnΛm k'ΛΛnau nem hiigwai pāachdēuchata hig nΛmjö habat, ham nem hig nΛmdam jöpk'aa haudeeg. Warpmua k'āijā bēewi pāach haig k'āyaag di jēeucheewai ham dāi hō wajap'a habat.

¹⁴ Pāach Cristo hiek hāk'a nΛm gaaimua hōrau k'āijā pāach dāi k'aigba haawai hoob ham t'ōp hiek'amiet. Magju k'āai warag ham kōit Hēwandamagta jēubat, Hēwandamau ham dāijā hū hamk'īr.

¹⁵ Cristo gaaimua dich k'odk'a t'ΛnΛm k'ΛΛn honee haawai dāi honee habat; wa jūrr hāb k'āijā gaai machgau hōk'īrjuu k'āijā hoowai dāi gaai masi habat.

¹⁶ Pāach heepai sīi chipar chipar haju k'āai, maach Pör Jesucristo hat'ee nem wawaagjā nem par daúa hooba warag hi hāba habat. Hoob pāachta dich k'apeen k'āijā hārpai haju hēk'amiet; magju

k'āai sīi warag parhooba serbiibam k'ΛΛnjöta habat. Hoob pãachdëuta chik'am k'āaijã hłrpai k'ap'Λ nΛm ha k'īirjumiet.

17 Chik'amnau pãach k'aibag waauwaijã hoob hagjö ham k'aibag wauju k'īirjumiet. Magju k'āai t'umaam k'ΛΛn daar hãba nem wajak'am happaita wauju hëk'abat, hãbmuajã pãach hëugar k'aigba hiek'am hugua.

18 Pãach garmua chan hoob dich k'apeen dıi k'īir haumiet. Magju k'āai sīi t'umaam k'ΛΛn dıi k'ōinaa wënΛrrajuuta hëk'abat.

19 Hermanonaan, pãach dıi k'aigba harr jūr hawi hoob pãach juata chik'am gaai na deemiet. Magju k'āai hidëu Hëwandamagta jūr ham dıi hichdëu k'ap hapibat. MagΛm higwia hichdëujã hich hiek gaai,

“Muata ham dıi mΛchdëu k'ap haju haai chirΛm”
ha sim.

“Pãach dıi jãg nΛm paar hidëu mΛrΛgta deebat, muata ham gaai hoopik'im” ha sim
Hëwandamau. *(Dt. 32:35)*

20 Maimua hagjö,

“PΛch k'a huk'urm woun k'āijã jãsöo k'itΛm hoowai wajak'a hi jãhogbapıi;

wa hōbisi k'āijã k'itΛm k'ai, k'ūwagdam wa dōdam k'āijã dōpibapıi” ha sim.

“Pua mag wajak hich jãhogbapāiwai hich garmua pΛ dıi mag sīerr k'īirjuwia,

Jãg mΛch dıi wajak'a hajuuta mua jãgjujã k'īirjuba jãg hi k'a huk'ur haajeebma' hawi k'īir naauju” ha sim hīchab Hëwandam hiek gaai.

(Pr. 25:21-22)

21 Magua, chik'amnau hamach garmua pãach dıi k'aigba haawai hoob ham gaai hagjö hapıiju hawi

ham d̄ai k'aigba hamiet. Magju k'āai warag p̄ach garmuata ham d̄ai haairaa habat.

13

Jāga haju haai n_Λ t'et'emnaan d̄ai

¹ M_Λig heegar leinaan t'_Λn_Λm_Λn t'um hich Hēwandamauta mag k'apitarr k'_ΛΛnau; hirua h_Λd_Λraa mag chi t'et'emnaan k'apiba harr k'_ΛΛn chan chuk'um. Magtarr haawai maach t'umaam k'_ΛΛnauta m_Λg jēb gaai leik'anaa chi t'et'emk'a t'_Λn_Λm k'_ΛΛn hipierraa haju haai n_Λm, hich Hēwandamauta hamag magpi sīewai. ² Magua k'ap'_Λ habat: Har leinaanau jaau n_Λm hichaaur haajem k'_ΛΛnan, hich Hēwandamau mag leik'apitarr k'_ΛΛn hichaaurta nem wau n_Λm. Magua, chi mag n_Λm k'_ΛΛnan hichiita jerrba leinaan jua hāwatab k'aba hāwatju. ³ M_Λg durr governaajem k'_ΛΛn chan nem wajap'a waaujem k'_ΛΛnag hamach hōgk'amk'īir k'aba, nem k'aigba waaujem k'_ΛΛnag hamach hōgk'amk'īirta n_Λm. Magua, p_Λ ham d̄ai k'ōinaa chitam k'ōsi chir_Λm k'ai, k'ajap'a chitá. Mag ham_Λn pua nem waauwaijā hamachdēujā hīchab p_Λ higar n_Λmjō p_Λ chig habam, ⁴ hamagjā hīchab sīi pāar d̄ai h_Λu hamk'īirta Hēwandamau mag governaapi sīewai. Pari Hēwandamau mag ham jua t'eeg hapitarr sīi par naamk'īirpai k'aba harr haawai p_ΛΛta ham na nem k'aigba waum_Λn, chadcha pua ham jua hōgk'aju haai sim. Hichiita hamau hamachdēu mas deēju hayaam k'_ΛΛn gaai deeb k'aba deēju, magamk'īirta Hēwandamau ham p'ē wai sīewai. ⁵ Magam huguata maachin hichiita chi t'et'emnaan hipierraa haju haai n_Λm,

mag nΛmjã sîi dich k'aibag wauju k'îirjuwipai k'aba mamΛ. Wajapcharan Hêwandamau magpi sim k'ap'Λ naawaita mag ham hipierraa haju haai nΛm. ⁶ Pãadê k'îirjubat: ¿K'an jãgwia pãrau gobiernoog impuesto p'aagjê? ¿Hagiö hich Hêwandamau mag p'agju haai nΛm k'ap'Λ hapi sîewai k'abá? Hichdêuta chi t'et'emnaanag pãar d̄li wajap'a hamk'îir p'idag deejeewai hichiita hamau mag impuesto jêeuwaijã p'agju haai nΛm, Hêwandam hichaaur hamaaugau.

⁷ Magua, chi impuesto jêeubarmΛg impuesto p'agbat; wa sîi ham respetaaju haai k'ãijã nΛm k'ΛΛn respetaabat hagiö. Hamta chi t'et'emnaan haawai Hêwandamau hamag nem deepi jaau sim t'um deebat.

Jãga haju haai nΛ dich k'apeen d̄li

⁸ Hoob pãach k'apeen hiwiir hãbam k'ΛΛnagjã dëbpaar paraa hamiet. Magarrau jürr hagdaujö dich k'apeen k'a k'ösi haju k'îirjugan chadau paraa habat. Chi magta hich k'apeen k'a k'ösi simuan chadau chadchata Moiseeu ley p'ã pΛarr gaai jaau sim t'umaa hΛΛrk'a sim. ⁹ Chi Moiseeu p'ã pΛarr gaai jaauwai, dich hõor k'abam d̄lijã k'apes hapiba, hõorjã t'õopiba, nemjã jïgk'apiba, sîi chik'am nemjã dich dën hapim k'ösi haju haai k'aba nΛm ha jaau sim. MamΛ mag tag hagiö k'apan jaau sîeb mamΛ, mag t'ΛnΛmΛn sîi cha mΛchdëu jaau chirΛmjö, mag "PΛch k'apeenjã daupii habá, hich jãg wir haig pΛchdëupai pΛch chig hapimap'a haajemjö" ha sim gaaimuata t'um hõbër sim. ¹⁰ Har chadcha dich k'apeen magta k'a k'ösi simua chan b̄ΛΛrjã ham d̄li k'aigba hajujã k'îirjuba haajem.

Magua, mag dich k'apeen k'a k'õsi nΛmuata tagam ley hich Hēwandamau deetarjã t'umaa hΛΛrk'a hōbēr sim.

¹¹ Pari mag Hēwandamau jaau simjō wēnΛrraju haai nΛmΛn, ya Cristoou maach p'ē hawaan bēēju gayaa pam k'ap'Λ naawaita mag wēnΛrraju haai nΛm. Maadēu k'ap'Λ nΛm, mag hi bēēju hedan warr maachdēu mag maach peerdΛajem hiek hΛk'aawaim jaram k'āijã ya gayaata sim. Magua tag jãg sīi k'āi nΛmjōta wēnΛrraju k'aba nΛm. ¹² Mag heegar wēnΛrrΛm haiguin hedau k'ēu t'ΛnΛΛ hawia hāspa hurum dēn deeu haardΛ hurumjōta sim. Pari mag chi hāspa hurumjō sim ha chirΛmΛn, ya Cristo bēēju gayaa sim higwiata mag chirΛm. Magua, hoob tag sīi k'īchag hee nem wau nΛmjō nem k'aigbam waumiet. Mag k'āai chadcha Cristoou mag pāach p'ē hawaan bēeimΛΛ sim k'ap hi hipierraata habat, ¹³ chadcha hararag hee wēnΛrrΛm k'ΛΛnjō nem wajak'ata wawaag: nag pig k'aba, p'iesta hee dō nΛm k'ΛΛnjã k'a jōiba, parhoobam k'ΛΛn dΛijã k'apes haba, dich k'apeen dΛijã k'īir hauba, ni chik'am nemjã dich dēn hapim k'õsi k'aba. ¹⁴ Magju k'āai warag Jesucristo nΛrraajerrjōta haju hēk'abat. Mag nΛm dΛi hīchab hoob tag warr Cristo k'augba haajeewai nem waujerr wauju k'īirjumiet.

14

Hoob pāach dēnjō hΛk'a durrum k'ΛΛn pāach wir haigjaaumiet

¹ K'odamnaan, pārag jaauk'im: Har Cristo hiek hΛk'a durrum pari hamachdēu nem wauju haai nΛ wa wauju k'aba k'āijã nΛm k'augbam gaaimua

k'a t'ũumjõ k'it'ëem k'ΛΛnau pãach d̄i k'apeerk'am hiigwai hoob ham k'a hisegmiet. Hoob pãach d̄enjõ k'augba nΛm hawi magΛm gaaimua warag ham d̄i hijj̄eb hamiet. ² Mua pãrag mag chirΛmΛn magau: Pogk'a hõrau jaauwai nem t'um k'õju haai nΛm haajem; pari hãaur k'ΛΛnau mag jaauhaa haajem. Mua k'ap'Λ chirΛm, hãaur k'ΛΛn Hẽwandam hiek hamachd̄eu h̄k'atarr gaai hubΛ k'aba nΛm gaaimua nemek modjã k'õba haajem, s̄i parhooba juau wautarrta hõrau hamach hẽwandam hawi hagΛmag j̄eu narr nemek mod k'ãijã k'õbaawai pekau haju hawi. ³ Mag, nem t'um k'õwajã, chi mag k'õ simua j̄urr parhooba nem k'õba haajem k'ΛΛn jaauju k'aba sim. Maagwai j̄urr chi parhooba nem k'õba haajem garmuajã parhoob k'oajem hẽugar, “Jãguan nem k'õju k'abampata k'õ s̄ierΛm” haju k'aba sim, mag nem parhooba k'õ s̄ieb mamΛ, Hẽwandamau magΛmjã higba hijã h̄ichab hich chogk'a wai s̄ewai. ⁴ Mag Hẽwandam chogk'a simta, k'ant'ee pua hi jaau s̄i. Hí pΛ chog k'abam. Hich chi patronauta hich chog haawai jaauju haai sim, h̄u s̄i wa h̄u k'aba s̄i hirua nem wau sim. Mag s̄ewai maach Põr Cristota jua t'eeg s̄iebahab, mag nem parhoob k'õ s̄ewajã hich mag hubΛ hi wai nΛrraag.

⁵ J̄urr deeum ejemplo pãrag jaauk'im: Hee pogk'a maach k'apeenau jaauwai, Hẽwandamag j̄euju hed sim haajem; mag hedta h̄rcha hirig j̄euju haai nΛm haajem. Pari j̄urr hagjõ warm k'ΛΛnau mag k'aba, Hẽwandamag j̄ewaagan parhoobam hed hawiajã t'um hich hagjõpai sim haajem. Pari jãiguin wajapcharan pua k'ĩrjuawai chadcha magta haju haai sim k'ai, magan k'an

gaaimuata magju haai nΛmjã k'ap'Λ haju haai sī.
⁶ Mag sīewai, parhoobam hed hawiajã, Hēwandam k'ōsi haawai hirig jēwaag mag hedta hārcha hΛΛrk'a nΛmΛn magan hΛu sim. [Pari mag hedpai k'aba, hed hēepierr Hēwandamag jēuk'iinjã, hagjō nem wajaug sim, hi k'ōsi haawaita hirig jēeu naawai.] Hich hagjōta sim t'ach k'ō nΛm haigjã: Chi parhooba k'ō simua Hēwandamag jēeunaata k'ōmΛn hΛu sim, hich Hēwandamau hoowai hichig jēeunaata k'ō sīewai. Pari chi nem parhooba k'ōba simuajã mag Hēwandamau k'ōsi simjō haag hawiata mag k'ōba simΛn, magan hich hagjō nem wajaug sim, hirua mag nemek k'ōbahab mamΛ deum nem hichdēu k'ō sim paar hagjō Hēwandamag hΛu hajim haajeewai.

⁷ Mag nΛm haig maach chi hΛk'a nΛm k'ΛΛn k'īirjug k'īet naawiajã maach t'umaam k'ΛΛn Hēwandam gaaimuata wēnΛrrΛm. Magua, maach chan mΛg nΛm haig sīi ya maach juau pawī nΛm hawia, dich wēnΛrram haig wēnΛrranaa dich t'ōm haig t'ōju k'aba nΛm. ⁸ Wajapcharan maach chi Cristo dēnk'a nΛm k'ΛΛnta mΛig heegar hiiu wēnΛrrΛm haiguin, maachin maach Pör Cristoou jāga wēnΛrraju haai nΛ ha jaaueewaita hΛu chadcha hichdēu k'ōsimjō wēnΛrrΛm; wa mee k'āijã mee nΛmΛn hichdēu meepibarm haigta meejem. Pari maachin monak'a naawia k'āijã wa meewia k'āijã, hichiita maach Pör Cristo dēnk'a nΛm. ⁹ Mag maach hich dēnk'a hawaagta Cristo meewi deeu hiiu p'iidΛjim, magbarmua hichta k'ēchwi durrum k'ΛΛn Pörk'anaa hīchab hagt'a hiiu durrum k'ΛΛn Pörk'aag.

¹⁰ Mag hichta chi Pörk'a simta, k'ant'ee pua pΛch

dēnjö hək'a durrum k'ΛΛn jaaujē. Wa jǎgwi pua jǎg ham k'a hisēmjö haajē. ¿Pua k'augba sī, maach t'umaam k'ΛΛnta Cristo k'īrp'ee dΛnΛΛutk'aimaju, maach mΛig heegar haajeewai nem wautarr jaau-mam maach jǎgΛucha hūraag? Magua, maadēu dich k'apeen jaauju k'aba nΛm, Cristoouta maach t'umaam k'ΛΛn jaauju haawai. ¹¹ Maach Pör Cristoou maach dāi magju higwia, Hēwandamau hich hiek p'ā sim gaai,

“Cha mΛ hiek'a chirΛm hiek'au t'umaam k'ΛΛnta mΛ k'īrp'ee kanieu t'Λk'ök'ööd t'ΛnΛmua chadcha mΛΛta Hēwandam charau haju” ha hiek'ajim hich maach Pör Hēwandamaucha.
(Is. 45:23)

¹² Hichdēucha magtarr haawai jāan chadcharau keena. Mag hedan maach t'umaam k'ΛΛnauta dichdēu nem waujerr t'um hichigchata jaau-maju, dich hidamaucha.

Hoob pǎach k'apeen pekau hee burrpimiet

¹³ Mag Cristoouta t'umaam k'ΛΛnag hichdēu k'ap jaaumaju haawai maachdēu chan pöd dich k'apeen jaauju k'aba nΛm. Mag k'āai warag bΛΛrjǎ dichdēu nem wau nΛm gaaimua dich k'apeen pekau waupijöjööm nem chan wauju k'aba nΛm. Magba hak'iin maach hoowia hagjö habaawai jūrr chi parpemta maach gaaimua pekau wauju.

¹⁴ Mua mΛchdēupai pǎrag mΛch jaauk'im: MΛ chadcha hich maach Pör Jesús dēnk'a chiraawai mua wajak'a k'ap'Λ chirΛm, sīi parhoobam nemek mod k'ö nΛm wa dö dö nΛm k'āijǎ bΛΛrjǎ k'aigba k'aba sim. Pari hābmua k'āijǎ k'īrjuawai mag nem parhooba k'öbaawai Hēwandam na hich

hārju sim k'ai, magan chadcha hichigpain k'aigba sim. ¹⁵ Magua, Cristo gaaimua p_Λch k'odk'a sim daar pua nem parhoobam k'oowai hirig h_Λu k'aba sim k'ai, hoob tag hi dak'īir mag_Λm nem k'ōm. Magba hak'iin pua hirigjā k'ōpim k'ōsimjōta sim. Pari pua hi d_Λi mag sim haig, pua chadcha hi daupii k'abata wai sim. P_Λchdēu nem parhooba k'ō sim gaaimua hoob bigaaum k'_{ΛΛ}nta pekau hee burrpiwi hok'oopim. Ham kōitpa hīchab Cristo meetarr haawai hamjā maadēu daupii haju haai n_Λm, hok'oopimap'a. ¹⁶ Pāach chi Hēwandam hiek pāachdēu h_Λk'atarr gaai hub_Λ n_Λm k'_{ΛΛ}nau nem wau n_Λm b_Λl_Λrjā k'aigba k'aba sim k'ap'_Λ hawiajā hoob hub_Λ k'aba n_Λm k'_{ΛΛ}n daar parhooba nem waumiet. Magba hak'iin pāach gaaimua ham pekau waubaawai hōrau pāach jaauju. ¹⁷ Wajapcharan Hēwandamag dich Pōrk'api n_Λm chan, sīi nem k'īirpierr t'ach k'ō n_Λm k'aba, ni nem k'īirpierr dō n_Λmjā k'abam. Hēwandamag h_Λd_Λraa dich Pōrk'api n_Λm_Λn, hirua nem k'ōsimjō waunaa dich k'apeen d_Λijā k'ōinaa n_Λm d_Λi hich Hēwandam Hak'aar gaaimua honee wēn_Λr_Λr_Λm_Λu. ¹⁸ Mag Cristo hipierraa chadcha dich k'apeen k'a k'ōsi n_Λm_Λn chadau Hēwandam daúgjā h_Λuunaa hōraujā hīchab h_Λuu hoo n_Λm.

¹⁹ Wajapcharan mag dichdēu nem wau n_Λm gaaimua dich k'apeen dich dēnjō h_Λk'a durrum k'_{ΛΛ}njā t'umaa k'ōinaa wēn_Λr_Λr_Λapijuuta hēk'aju keena, mag n_Λmua warag Hēwandam hiek gaaita t'ierr paauk'amaag. ²⁰ Pari magba sīi warm k'_{ΛΛ}nau k'ōju haai k'aba n_Λm haajem k'ōm k'ōchgaupai chan har hagt'a wajappai hub_Λ k'aba k'it'ēem k'_{ΛΛ}n Hēwandamau peerd_Λ

haauwai wajaug paatarra pekau waupibarmua sīi hārbapāimjō hapimiet. Nem k'oojem nemen t'um wajaup'a sīsidaᵐ. Hāba k'aigba simᵐᵐ, dichdēu nem k'ōbarm gaaimua jūr chik'am pekau hee burrpi nᵐᵐᵐta chadcha k'aigba hōbēr sim. ²¹ Wajaupcharan mag maach gaaimuata maachjō Cristo hiek hāk'a k'ērᵐᵐdam pekau hee burrpi sim k'ai, magan warag bᵐᵐᵐrjā nemek k'ōba, nagjā dōba, ni parhooba nem waujujā k'aba nᵐᵐ. ²² Pāar chi hubᵐ nᵐᵐ k'ᵐᵐᵐnau parhooba pāachdēu nem k'ō nᵐᵐ Hēwandam dak'īir k'aigba k'aba sim k'ap'ᵐ naawiajā hoob sīi pāachjō hubᵐ k'aba k'it'ēem k'ᵐᵐᵐ dak'īirjā hidawaa hamiet. Magju k'āai sīi pāach k'īirjug heepaita mag k'ap'ᵐ nᵐᵐᵐjā wai nᵐᵐᵐᵐ. Hēwandamauta pārau nem wajaup'a wau nᵐᵐᵐjā k'ap'ᵐ sīebahab. Har hichdēu nem waju haai sim hawi waubarmjā naspawi deeu dau merag jāgbarjim ha k'īirjuba nᵐᵐ k'ᵐᵐᵐᵐta chadcha honee nᵐᵐ k'ᵐᵐᵐᵐnau. ²³ Pari hajappai k'augba har hichdēu k'īirjuawai k'ōju k'aba sim ha simta k'ōᵐᵐᵐᵐ, hichdēupaita hich k'aibag wau sim, hichdēu k'īirjuawai mag k'ōju k'aba simta k'ō sīewai. Maadēu nem wau nᵐᵐ Hēwandam dau na hāu k'aba sim k'āijā hanaa waauwain pekauta wau nᵐᵐ.

15

Pᵐᵐᵐ k'ōchagpierr nem wauba, bigaaum k'ᵐᵐᵐᵐ hāu hamk'īirta nem waubá

¹ Mᵐᵐᵐ maachdēu Hēwandam hiek hāk'atarr gaai chadcha hubᵐ nᵐᵐ k'ᵐᵐᵐᵐᵐᵐᵐᵐ jūr har maach k'āai k'a t'ūumjō k'it'ēem k'ᵐᵐᵐᵐᵐᵐᵐᵐ chig hapimap'a haju haai nᵐᵐ, sīi dichdēu k'ōchagpierr ham dak'īir hamau nem wauba haajem nemjā

wauba, wa hamau k'öba haajem nem k'ãijã k'öba. ² Mag sïi dichdëu k'öchagpierr nem wauju k'ãai, dich k'apeenau k'ösim nemta wauju haai n_{AM}, nem waja_p'am, mag_{AM} gaaimua hamjã h_{LU} n_{AM} d_{AI} warag Hëwandam hiek gaaita hub_Λ paauk'amamk'ïir. ³ Cristo m_{AG} jëb gaai n_{ARRA}waijã sïi wir haig hichdëu nem k'ösimpaita wauba haajeejim. Mag k'ãai maach h_{LU} wën_{ARR}amk'ïirta hōrau hich k'ïircha k'aigba hiek'amaajerrjã higba, hich Hayau k'ösi sierrjōta n_{ARR}ajim. Mag n_{ARR}rarr gaaimua Salmos gaai jaau simjō,

hich Haai gaaimua jürr hich k'ïirta hōrau k'aigba hiek'aajeejim. *(Sal. 69:9)*

⁴ Hëwandamau hich hiek p'ã sim gaai nawe jaautarran, maach p'it'urg wën_{ARR}rawiajã mag hiek gaaimuata warag honeenaa mag_{AM}jã higba hāwat wën_{ARR}AMua h_{LU} hich haar hōbërjujã k'ap hamk'ïirta mag p'ãpijim. ⁵ Hich Hëwandamauta mag maach p'it'urg haauwaijã mag_{AM} nem p'it'urmjã h_{LU} maachig hāwaat k'ap'Λ hapinaa honee hapiejeewai hirigta pāar kōit jëeu chir_{AM}, Cristo m_{AG}ig heegar hōor hee n_{ARR}raajerrjō dich k'apeen d_{AI}jã bibigag chuk'u hō hābata wën_{ARR}AMua ⁶ t'umaam k'Λ_{AN}nauta hihāba maach Pör Jesucristo Haai Hëwandamta t'ö hiek'amk'ïir.

Judionaan k'abam k'Λ_{AN}nagpa maach peerd_{AJEM} hiek jaautarr

⁷ Mag pāach hoowia t'umaam k'Λ_{AN}nag maach Hëwandamta t'ö hiek'amk'ïir, pāach hee wir haig-paijã t'umaa hagdaujō dich k'apeen k'a k'ösi habat, hich jãg Cristooujã maach k'ösi harrjō. ⁸ K'ïir

heyaa habat: Jesucristo m_Λg jēb gaai bēetarran, Hēwandamau maach jōoinag hāb maach peerd_Λ haumk'īir p_Λiiju ha jaautarr haawai, hich pier-rum gaaimua chadcha Hēwandam hiek'a sīejim ha k'ap hamk'īirta bēejim. Magua mua pārag jaau chir_Λm: Hi bēetarran, maach chi judionaan hat'ee chadcha nem wajak'a wawaanta bēejim. ⁹ Pari mag maach judionaan hat'eepaijā k'aba, hīchab Hēwandamau judionaan k'abam k'_{ΛΛ}n_pa dau haug k'augwi hich k'augpitarr haawai, hamagpa hīchab hi t'ō hiek'amk'īirta bēejim. Mag hamaujā hi t'ō hiek'aju higwi, Daviujā hīchab,

“Judionaan k'abam k'_{ΛΛ}nau p_Λ t'ō hiek'ap'ōo t'_Λn_Λm hee, muajā hīchab p_Λ t'ō hiek'anaa meuk'araupa p_Λ t'umeuk'arju” ha p'ājim Hēwandam hiek gaai. (*Sal. 18:49; 2 S. 22:50*)

¹⁰ Maimua Moiseujā hagiō,

“Judionaan k'abam k'_{ΛΛ}njā judionaan d_Λi t'um hāba honee habat” hajim. (*Dt. 32:43*)

¹¹ Maimua hich Daviupai deeu hūwaai,

“Durrpierram k'_{ΛΛ}nau p'ōbörpierr judionaan k'abam k'_{ΛΛ}naujā maach Pōrta t'ō hiek'abat” hajim. (*Sal. 117:1*)

¹² Mag maach Pör higwia, Isaías k'ararraujā hīchab,

“Isaí chaain hewagam k'_{ΛΛ}n heemua hāb nemjīirjō sūr_k'a hōbērbaadēmta judionaan k'abam k'_{ΛΛ}n durrrpierr n_Λn_Λid_Λm k'_{ΛΛ}n Pörk'aju” hajim.

“Magbaawai hamachdēujā hīchab chadcha hiru-ata hamach wajak'a wai sīsiju k'ap'_Λ haju” ha jaaujim. (*Is. 11:10*)

¹³ Judionaan k'abam k'_{ΛΛ}n, maguata muan mag hichdēu maach d_Λi wajak'a hajujā k'ap'_Λ hapiejem

hag Hēwandamagta pāar kōit jēu chirΛm, pārau chadcha hāk'a naawai honee hapinaa k'ōinaa nΛm dāi warag mag hichdēu maach dāi wajap'a haju ha simta pāragjā hich Hak'arauta hārcha k'īirjupimk'īir.

Pabloou mΛg hēsap p'ā sim higwi jaautarr

¹⁴ Cristo gaaimua k'odamnaa, mua k'ap'Λ chirΛm, mΛchdēu pārag mΛg p'āju nawe pārau chadcha pāach k'apeen dāijā hō wajaugnaa, Hēwandam dāi hogdΛba wēnΛrrajujā hathaba k'ap'Λnaa, hīchab pāach k'apeen wawijujā chadcha pārau k'ap'Λ nΛm. ¹⁵ Pari magΛm hāba, hichiita mua pārag mΛg p'ā deepΛi chirΛm, mΛch himeerba. Pari ma chan mag pārau k'augba naawaijā k'abam. Mua mΛg pāachdēu hoojem k'ΛΛn dēnjō p'ā deepΛi chirΛmΛn, ya pāachdēu k'ap'Λm nemdamjā k'īir hok'oopimaugauta mag jaau chirΛm, Hēwandamau hΛu mΛ heeg hoowi ¹⁶ Jesucristo chogk'apinaa judionaan k'abam k'ΛΛnag hich hiek jaaumk'īirta mΛ jΛr hautarr haawai. Magtarr haawai mΛ p'idagan judionaan k'abam k'ΛΛnagta maach peerdΛajem hiek jaau nΛmΛu. Mag jaau chitΛmua hΛu hāk'api hat'aawai hich jāg Hēwandamag ofrenda deejemjō muajā mag chi hāk'amam k'ΛΛnta hirig dee chirΛm. Pari mua mag ofrendajō Hēwandamag dee chirΛm ha chirΛmΛn, Hēwandamau ham haum k'ōsi haaujem higwiata mag chirΛm, ya chi Hak'arauta hi hat'ee wajaug paa wai sīewai.

¹⁷ Mag hiek'aju k'aba chirab mamΛ, Hēwandam hat'eem p'idag mΛchdēu wau chirΛm higwian chadau, mΛ hiek'aju haai chirΛm, Jesucristo

dēnk'a chirΛm gaaimua judionaan k'abam k'ΛΛnagpa hΛu hi hiekta jaau chiraawai. ¹⁸ Sīi parhoobam nem higwia chan mΛ hiek'abam; mamΛ mΛchdēu mag jaau chitΛm gaaimuata hΛu Jesucristoou hamag Hēwandam hiek hΛk'apitarr paran chadau mΛ hiek'aju haai chirΛm. Mag hamau hΛk'atarran, hamachdēucha mua jaau chirΛm hūrwia mag mΛchdēu jaau chitΛmjō hamach daar wajap'a chitΛm hootarr gaaimuata hΛu hΛk'ajierram. ¹⁹ MamΛ mag gaaimuapajā k'aba, mag nΛm dxi hīchab Hēwandam Hak'ar jua t'eegau mua hōor mor masim k'ΛΛn monaaunaa mepeenpa dau daau jΛr wērp chitΛmjā hamach daua hootarr gaaimuapata hΛk'ajierram. Mag jaau chitΛmuata maach peerdΛajem hiek Jerusalemua jaubaaderr Iliria durrum magwe jaauwi chirΛm. ²⁰ Maguata mΛg maach peerdΛajem hiek jaau chitΛmΛn, hagt'a bΛΛrjā Cristo higwia jaau nΛm hūrba haajem k'ΛΛn heepaita jaauju hēk'a chitΛm, ya chik'amnau jaauwia hΛk'a durrum k'ΛΛnagta deeu jaau chitΛm ham hugua. ²¹ Hēwandamau hich hiek gaai jaauwai, warr bΛΛrjā Cristo jaau nΛmjā hūrba haajerr k'ΛΛnaujā hi hiek hūrwai k'ap'Λ haju ha sim; maagwai hich mak'ΛΛnauta hi hooju ha jaau sim hīchab. Magua mua mak'ΛΛnagta mag jaau chitΛm haig, hich Hēwandamau jaautarr heeta hōbēr sīebahab.

Pabloou hich Romaag maju jaautarr

²² Mag gaaimuata chadcha mua pōd pāar hoon maba sīi par hiiupaita majujú haajeejim, mau hagt'a Cristo hiek hūrbam k'ΛΛnag jaauju pōoma

t'ʌnarr haawai. ²³ Pari mau mʌch chirʌm durr ya t'um jaau p'ʌʌrdʌbapāiwai hīsin chad maju haai chirsim. Mag nʌm dʌi hag nawejā maju k'īirju chirarr haawai ²⁴ Españaag mamuata pāar hoon mab k'aba hoon maju k'īirju chirʌm. Mua k'ap'ʌ chirʌm, mag maach hāba honee naawia maigmua mʌ mam hedjā pārau mʌ juag hooju, hʌu España barmk'īir. ²⁵ Mamʌ nacha mʌ Jerusalem mam, jam judionaan Cristo gaaimua maach k'odnaank'a t'ʌnʌm k'ʌʌnag nemdam deenau ham juag hoomjō hoon. ²⁶ Maan, hermanonaan Macedoniapienau Acayapien dʌimua hamach k'īrau p'atk'ondam jʌr p'iewi jam Jerusalén hermanonaan hap'ʌʌ k'it'ëem k'ʌʌn hat'ee deepʌi nʌmʌu. ²⁷ Mag deepʌiju hap'ōbaaderrjā hamach k'īrauta deepʌiju hap'ōbaadējim. Hamau k'īirjuawai, jam Jerusalem pieen dʌi dēbpaar pōm nʌmjōta nʌm haajem, warrcha hamachdēu Cristo hiek k'aaugwaijā maach hermanonaan Jerusalem pieenau jaau nʌm gaaimuata k'augtarr haawai. Magtarr gaaimua hʌu hamach peerdʌ naawaita, hamaujā jūrr hagdaujō haag hawi, nemdam dee nʌmua ham juag hooju haai nʌm hawiata mag deepʌiju hap'ōbaadējim. ²⁸ Wajapcharan cha mʌchdēu jaau chirʌmjō mʌchdēucha mag p'atk'on k'apeenau jʌr p'ie wai nʌm deebat'uurwaita Españaag mamua pāar haig chiraimaju. ²⁹ Mua k'ap'ʌ chirʌm, mʌ pāach haar barimaawai maach t'umaam k'ʌʌn dʌrrcha honee nʌisiju, Cristoouta maach dʌi hʌu haju haawai.

³⁰ Hermanonaan, Hēwandam Hak'arau maach wir haigpaijā hagdaujō chik'am k'a k'ōsi hapinaa pāraujā mʌ dēnjō Jesucristo hiek hʌk'a naawai

Hēwandamagta m_Λ kōit jēubat. ³¹ Mag pāachdēu hirig jēeuwai Judea durr Cristo hiek h_Λk'aba n_Λm k'_{ΛΛ}nag m_Λ chig hapibata hirig jēubat. Magnaa mag p'atk'on judionaan k'abam k'_{ΛΛ}nau Jerusalemien hat'ee deep_Λi n_Λm mua harrumjā mag_Δm haba haum k'ōsi hamag haumk'īirjā jēubat. ³² Hēwandamau mag pārag jēeupi chir_Δmjō ham_Λn, magan pāar hoon maawaijā honeeta pāar haar barbaimeaawai k'ōinaa chiraimaju, majā h_Λu Hēwandamau pāar haar barpim_Λn mam_Λ. ³³ M_Λchdēujā pāar kōit jēeu chiraa_Δm, hich Hēwandam hōor k'ōinaa hapiejemuata pāachjā k'ōinaa wai sēm_Λk'īir.

16

Romapienag salud deep_Λitarr

¹ Keena, Cristo gaaimua maach h_Λp'_Λi Febe jōpcha pāar haar maju, pāar hoon; Cencrea p'ōbōrōm iglesia hee hiruajā h_Λu hōor juag hoojem. ² Jāg hermana pāach haar baarwai, tagam k'_{ΛΛ}n hagjō maach dēnjō h_Λk'a n_Λm k'_{ΛΛ}n d_Λi haajemjō hi d_Λijā waja_Δp'a habat. Hirua nemdam hiigwaijā t'um haudeebat. Magaag jāg hermanau h_Λu d_Λrrcha hōor juag hoowi sim; m_Λ juagjā hirua hoojim.

³ Hīchab m_Λ hermano Aquiloogjā m_Λ salud deebat maimua hi h_{ΛΛ}i Priscilaagjā hagjō. Jā_Λk'_{ΛΛ}nau chadcha d_Λrrcha m_Λ juag hoowi n_Λm, m_Λg Cristo p'idag p'idk'a n_Λm gaai. ⁴ Hamau peer hamachta t'ōopijierram m_Λ kōit. Magua chadcha mua hamag h_Λu hajim haajem; mam_Λ m_Λch happaimuata mag h_Λu hajimjā haba, judionaan k'abam k'_{ΛΛ}n iglesia

hee t'umaam k'ΛΛnauta hamag h̄u hajim haajem mΛ kōit, mag h̄u peerdΛwia maach Pör Jesucristo hiek jaau chitΛm gaaimuata hamachdēujā hūrwi h̄k'atarr haawai. ⁵ Jāg hermano Aquilo di haig culto wawaag hermanonaan podpaajem k'ΛΛnagjā hagjō mΛ salud deebat. MΛ k'apk'ΛΛn wajap'am Epenetoogjā salud deebat. Hichta Asia durr nacha Cristo hiek h̄k'ajim. ⁶ Mariaagjā salud deebat, jāg hΛΛi chadcha hathaba maach Pör Cristo hat'ee pāar hee p'idk'awi sim. ⁷ MΛ durram k'ΛΛn Andrónico Junias d̄i jam pāach haar nΛm k'ΛΛnagjā salud. Jāk'ΛΛn mΛ k'apeen hajim h̄ba cárcel deg naajeewai. Jesucristoou jΛr hautarr k'ΛΛnau hoowaijā hamau maach Pör Cristo hat'ee p'idag wau nΛmjā h̄u hoojem. Hamau mΛ k'āai na Cristo hiek h̄k'ajierram.

⁸ MΛ salud deebat h̄ichab Cristo gaaimua mΛ k'apk'ΛΛn chi wajap'am Ampliatoog. ⁹ MΛg Cristo hiek jaau nΛm gaai maach k'apeer Urbanoogjā salud; maimua Estaquiigjā hagjō; mua hi daupii chitΛm. ¹⁰ MΛ salud deebat Apeleeg, p'it'urg haauwaijā h̄u Cristo gaaita warag hubΛ k'itaajem. T'um Aristóbulo degam k'ΛΛnagjā h̄ichab mΛ salud deebat. ¹¹ MΛ durram woundam Herodiōn haajemΛgjā salud deenaa Narciso di haiguim k'ΛΛn h̄ichab maach Pör Cristo hiek h̄k'a nΛm k'ΛΛnagjā mΛ salud deebat. ¹² Trifenaagjā mΛ salud deenaa Trifosaagjā deebat. Hamjā h̄ichab maach Pör Cristo hat'eeta p'idk'a durraajem. Hāa, maimua Cristo gaaimua maach h̄p'Λi Persidaagjā salud; hijā h̄ichab mua daupii chitΛm d̄rrcha maach Pör Cristo p'idag gaai p'idk'a k'itaawai. ¹³ Rufoogjā salud. Hijā h̄ichab maach

Pör Cristo hat'ee hich p'idk'a sim gaaimua t'ärrp'öö sïejem. Maimua hi hädagjä hagjö m_Λ saluddam deebat. Wajapcharan muajä hïchab m_Λch hädjöta hi jäsene wai chit_Λm, hichdëujä hïchab m_Λ hich chaaijö haajeewai. ¹⁴Salud deebat Asincritoog, Flegonteeg, Hermeeg, Patrobaag, Hermaag maimua tagam hermanonaan ham dïi n_Λm k'_{ΛΛ}nagjä hagjö mua salud deepäi chir_Λm. ¹⁵M_Λ salud deebat hïchab Filologoog maimua Juliaagjä hagjö, Nereoog maimua hi hãp'älgjä hagjö, Olimpaag maimua t'um tagam k'_{ΛΛ}n maach hermanonaan ham haig n_Λm k'_{ΛΛ}nagjä hagjö m_Λ salud deebat.

¹⁶Cristo gaaimua päach t'um häba k'odk'a t'_Λnaawai hagdaujö dich k'apeen k'a k'ösi saludaabat. Mau iglesiapierr hermanonaan Cristo hiek hãk'a durrum k'_{ΛΛ}nau hamach t'umaam k'_{ΛΛ}nau pärag salud deepäi n_Λm.

¹⁷Hermanonaan, m_Λch k'ïir hok'ooju nawe pärag jaaum hig chir_Λm, m_Λ hiek hürbat: Jäg Cristo hiek jaau n_Λm han_Λmjä nacha päachdëu hürtarrjögä k'aba sïi warag hag chaurta jaau wën_Λrr_Λm gaaimua päachjä hamachjö hok'oopijuuta hëk'a n_Λm k'_{ΛΛ}n dïi k'ïir k'ap'_Λ habat; jäg_Λm k'_{ΛΛ}n dïi chan hoob k'apeerk'amiet.

¹⁸Jäg n_Λrrjëem k'_{ΛΛ}n chan chadcha maach Pör Jesucristo hat'ee p'idk'am k'ösi haawaita mag wën_Λrraba, sïi hamach k'öchagpierr nem waum k'öchgaupaita jäg n_Λrrjëem. Haman chadcha nem hiek'aa k'aug k'ïir hee bëbëdömjö nem jaau sierrjëem, pari mag wën_Λrr_Λm_Λn sïi hõor k'ïirjug meraam k'_{ΛΛ}ndam himeraa k'üguraagpaita jäg n_Λrrjëe haajem. ¹⁹T'umaam k'_{ΛΛ}nau k'ap'_Λ n_Λm,

pārau chadcha Cristoou k'ōsi simjō hi hipierraata nem waaujem. Maagwai m_Λ honee chir_{ΛM}. Mam_Λ p_Λaba mua mag chir_{ΛM}: Nem wajaap'am wawaagan chadcha nem k'īirjug k'augta habat; pari nem k'aigbam wawaag chan sīi warag wauju k'augba dau meraamjōta habat. ²⁰ Pārau magta ham_{ΛN}, mag parhoob nem jaau sīerrjēm k'_{ΛΛ}nau hamach k'īirjug pāach hee jaaucheewaijā, Hēwandam maach k'ōinaa hapiejemuata pārag ham hiek h_Λk'apiba habarmua chi mepeer Satanás mag hōrag sēuk'a nem jaaupiejemjā pārag b_{ΛΛ}u hō j_Λat'Λg deebarmjō haju. Maach Pōr Jesuu pāar d_Λi h_Λu hamk'īir mua pāar kōit jēeu chiraaajem.

²¹ Hīsin chad deeu pārag maach salud jawaag-pam. M_Λ k'apeer Timoteo m_Λ d_Λi hogd_Λba p'idk'a k'itaajemuajā pārag salud deep_Λi sim; maimua mag tag hīchab Lucioou, Jasonau maimua hagjō Sosipaterraujā salud haajem; hamach m_Λk'_{ΛΛ}n m_Λ d_Λi durr hābam durrām k'_{ΛΛ}nau.

²² Keena, muajā pārag saluddam deep_Λi chir_{ΛM}, m_Λchdēujā pāach dēnjō hīchab maach Pōr Cristo hiek h_Λk'aajeewai. Pabloou m_Λg hēsap gaai pārag jaaup_Λi sim t'um muata p'ājim. M_Λ t'ār Tercio haajem.

²³ Jōoi Gayooujā hīchab pārag salud haajem. M_{ΛΛ}n hi di haigta chiraaajem. Culto wawaagjā hich m_Λg degta hōor biird_Λajem, hi deg. Jōoi Erastoou hīchab pārag salud haajem, m_Λg p'ōbōr heem chi tesoreroou. Maimua hābmiecha hermano Cuar-tooujā hīchab pārag salud deep_Λi sim.

Pabloou Hēwandamta t'ō hiek'api jaautarr

[²⁴ Hayoo keena. MΛgdampai hajim pārag jaaum hig chirarr. Maach Pör Jesucristoou pāar t'umaam k'ΛΛn d̄li h̄lu hamk'īir, maumua marau pāar kōit j̄ēu durraajem.] ²⁵ MΛg maach peerdΛajem hiek hich Jesucristo higwia mua jaau chirΛm gaaimua Hēwandamau pāar hubΛ hapiju, hich hiek gaai jaau simjō. MΛg judionaan k'abam k'ΛΛnpa peerdΛju hiek'an, warrgar hich Hēwandamau mΛg durr hompaaju nawe hichdēu ya k'īirju wai s̄ejim. Pari magtarrta warrgar hich hi jaaumienag jaauwaijā warre dawaa jauba, ²⁶ h̄ista hich hag hiekpai wajapcha hōrag k'ap hapibarm. Magtarr haawai h̄ista chadcha t'um durrpierram k'ΛΛnag mag maach peerdΛajem hiek jaupi sim, hich hiek h̄k'anaa hich hipierraa wēnΛrramk'īir.

²⁷ Hēwandam hich happai s̄ierrΛmta maadēu t'ō hiek'aju haai nΛm, hichdēuta maach Pör Jesucristo gaaimua maach peerdΛ hautarr haawai.

H̄isin chad tag jaauju chuk'u chirΛm, magdampai hajim. Hayoo keena,

Pablo

Hẽwandam Hiek
New Testament in Woun Meu

copyright © 2011 Wycliffe Bible Translators, Inc.

Language: Woun Meu

Dialect: standard spelling

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Woun Meu

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 21 Feb 2024 from source files
dated 29 Jan 2022

f93ebb7a-0e54-5698-b564-14e525ed9c9f